

ጾሎሎ ማደም ዳኪንቴ ጳውሎሴ ቆሮንቶሴ ዓሶም ዳኬ ለምዓሳ ኪኢቶ" ዓይያ ካሮ"

ጳውሎሴ ቆሮንቶሴ ዓሶም ፃኣፔ ለምዓሳ ኪኢታ" ፃኣፔንቴህ፤ ጳውሎሴና ቆሮንቶሴይዳ ዓኣ፣ ኪሪሰቶሴ ጉሙርቃ ዓሶና ባኣካ" ማታ ማዠንጉቴ ዓኣንቴኬ። ፔቴ" ፔቴ" ኪሪሰቶሴ ጉሙርቃ ዓሳ ዒማ"ና ዒዛ ፑርቲሲ ደንካያ ማዔቴያ ጳውሎሴ ዔያቶና ዎላ" ጊኢጋኒ ኮዓያ ማዔያ ሃሣ ጊኢጌያ ማዔቴ ማርጌና ዒዛ ዎዛሳኒ ዳንዳዓሂ ሃና ኪኢታ ኬኤዛኔ።

ኪኢቶ"ኮ ዓይያይዳ፡ ጳውሎሴ ቆሮንቶሴይዳ ዓኣ፣ ኪሪሰቶሴ ጉሙርቃ ዓሶና ዎላ" ዓኣ ዒዛኮ ፔቴሞና ኪሪሰቶሴ ጉሙርቃ ዓሶ ባኣካ" ዒዛ ደንካ ዓሶና ዒዛ ዒዒ ማካ ዓሶም ዓይጋ ዒ ዴኤፃ ዑኡሲና ማሂ ኬኤዜቴያ ዔርዛኔ። ሃሣ ዩይ ዒዛኮ ጎሪ"ፃ ዔያታ ዳሲንጉጉጉ ማዓንዳጉዲና ዒዛና ቡካንዳጉዲ ማሃሂሮ ዒዛ ዎዛሴ፣ ዎዛ" ዔያቶም ኬኤዛኔ። ዩካፓ ዩሁዳ ዓጮ"ይዳ ዓኣ፣ ኪሪሰቶሴ ጉሙርቃ ዓሶ ማኣዳ"ኒ ኮሹሞና ዔያታ ዒንጎ ባኣዚ" ዒንጋንዳጉዲ ዔያቶም ኬኤዛኔ። ሐኖ" ኪኢቶ"ኮ ጋፒንያ ዓይያንሂዳ ዳሳ ዒዛ ዒዒ ጋዓ ጌኤዘኮ ማሂያ ጳውሎሴ ኬኤዛኔ፤ ዓይጎሮ ጌዔቴ ቆሮንቶሴይዳ ዓኣ፣ ኪሪሰቶሴ ጉሙርቃ ፔቴ" ፔቴ" ዓሳ ፔና ጎኔ ጾኦ ማደም ዳኪንቴያ ማሂ፡- «ጳውሎሴ ጾኦ ማደ"ም ጎኔ ዳኪንቴያቴዎሴ» ጌዒ ዒዛ ፑርቲሲ ኬኤዛሂሮኬ።

ማፃኣፔላ ዲማ ዲማ ዓርቄ ባኮ

- ዓይያ ካሮ" 1፡1-11
- ጳውሎሴና ቆሮንቶሴይዳ ዓኣ ሺኢጲያ ማኣሮ ዓሶና ዛላ 1፡12—7፡16
- ዩሁዳይዳ ዓኣ፣ ኪሪሰቶሴ ጉሙርቃ ዓሶም ዳኪንቴ ማኣዳ 8፡1—9፡15
- ጳውሎሴ ጾኦ ማደ"ም ዳኪንቴያ ማዔሂ ኬኤዜሂ 10፡1—13፡10
- ጋፒንሂ ሓይሴ 13፡11-13

1 ጾኦ ማሊሂ ማዔም ዩሱሰ ኪሪሰቶሴኮ ዳኪንጉ ማዳያ ማዔ፣ ጳውሎሴና ኑ ዒሻሂ ጂሞቴዎሴናይዳፓ፡-

1:1 ዳኪ ማደ" 18፡1።

ቆርንቶስ ይዳ ዓኣ ሺኢጲያ ማእሮ ዓሶና፤ ዬያጉዲ ዓካይያይዳ ዓኣ፤ ኪሪሰቶስ ጉሙርቃ ዴሮ"ም ቢያ።

2 ኑ ዓዳሢ፣ ያኣዛሢና ኑ ጎዳሢ ዬሱስ ኪሪሰቶስናኮ ሚጨንቴያና ኮሹሞና ዒንሢሞ ማዖንጎ።

ጳውሎስ ያኦሲ ጋላቲ ጋላቶ"

3 ሚጨንታ ዓዶ ማዔያ፤ ሃሣ ቢያ ባኣዚ"ና ደዲሻያ ማዔ ያኣዛሢ፣ ኑ ጎዳሢ ዬሱስ ኪሪሰቶስኮ ዓዶ፣ ያኣዛሢም ጋላታ ሄሎ"ንጎ። 4 ኑኡኒ ያኦሲዳፓ ዴንቃ ደዲሞና ሜታሢዳ ዓኣ ዓሶ ቢያ ደዲሻኒ ደንዳዓንዳጉዲ፣ ያኦሲ" ኑ ሜታዳ ዎዶ"ና ቢያ ኑና ደዲሻኔ። 5 ኪሪሰቶስ ሜታዳ ሜቶ" ኑሞ ሚርጌና ሜታዳሢጉዲ ኪሪሰቶስ ዛሎ"ና ደዲሞ ሚርጌና ኑ ዴንቃንዳኔ። 6 ኑኡኒ ሜታዳ ዎዶ"ና ዒንሢ ደዲሞና ዳቁንታና ዴንቃኔ። ኑኡኒ ደዲሞ ዴንቃ ዎዶ"ና ሃሣ ዒንሢሢ ያኦሲ ሜታዳ ሜቶ"ጉዴ ሜቶ ጊቢ" ደንዳዒ ደዲሞ ዴንቃኔ፤ 7 ኑኡና ዎላ" ዒንሢ ሜታዳሢጉዲ፣ ኑ ደዲሞ ዒንሢ ዴንቃያ ማዔሢ ኑ ዔራሢሮ ዒንሢዳ ኑ ጌሣ፣ ሃጊ ማዓንዳ ዎዛ" ደዲኸ።

8 ታ ዒሸንሦ! ታ ሚሸንሦ! ዒሲያይዳ ኑ ዓኣንቴ ኑና ሄሎ" ሜታሢ ዒንሢ ዔራንዳጉዲ ኑ ኮዓኔ፤ ዬይ ኑና ሄሎ" ሜታሢ ሚርጌና ኑም ዴኤዔያ ማዔሢሮ ኑ ሹምፔና ዓታንዳኔ ጌዒ ማሊባኣኦ።

9 ፔቶ ኑ ሓይቃንዳጉዲ ኑ 0-9 ዎጊንቴያ ኑም ማሊ ዴዴኔ፤ ዬይ ቢያ ኑና ሄሎ"ሢ ሃይቁ ዓሶ ዔቁሳ፣ ያኦሲ ኑ ጉሙርቃንዳጉዲ ማሃንዳፓዳቴም ኑና ኑ ጉሙርቁዎጉዲኸ። 10 ዬያሮ ዒዚ ኑና ዬያ ሓይቦ"ይዳፓ ዳቁሼኔ፤ ሓጊያ ኑና ዳቁሻንዳኔ፤ ኑና ዳቁሻንዳኔ ጌዒ ሃጊ ማዓንዳ ዎዛ ኑ ጌሣሢ ዒዛይዳኸ፤ 11 ዬይ፣ ዒንሢ ኑና ሺኢጲያና ማኣዳ"ሢሮ፣ ሚርጌ ዓሶ ሺኢጲያና ኑኡኒ ያኦሲ ማኣዳ ዴንቁም ሚርጌሢ ያኦሲ ጋላታንዳኔ።

ጳውሎስኮ ማሊ ማሊያ ሸርሸያ

12 ሓያ ዓጮ"ይዳ ባሽ ዒንሢና ዎላ" ኑ ፔቱሞና ሃሣ ያኦሲዳፓ ማዔ፣ ዒሎ"ሞና ፒዙሞና ኑ ናንጌሢ ኑ ዒና" ማርካዳኔ፤ ዬይ ዓሲ ዔራቶናቱዎንቴ ያኦሲ ፔ ኮሹሞና ዒንጋ ዒንጊያ ዎላቆናኸ፤ ዬያሮ ሄርሸንታ ኑኡኮ ዬያናኸ። 13 ናባቢ ዒንሢ ዔራን ደንዳዒዎ ባኣዚ" ኑ ዒንሢም ያኣፓዓኸ፤ ቢያ ባኮ ዒንሢ ዔራንዳሢያ ታ ጉሙርቃኔ፤ 14 ሓሢ ዒንሢ ኑ ዛሎ" ጋፒሲ ዔራዎ ባኮ ጊንፃፓ ጋፒሲ ዒንሢ ዔራንዳሢያ ታ ጉሙርቃኔ፤ ጎዳ ዬሱስ ከሎ"ና ኑ ዒንሢና ያቶርቃንዳሢጉዲ ዒንሢያ ኑኡና ያቶርቃንዳኔ።

15 ዬይ ባካ ጎኔ ማዕረግ ታ ዔራሂሮ ለሚ ዲንሂም ማዓ ባአዚ" ዲንሂ ዴንቃዳጉዲ ቤርታዲ ዲንሂ ታ ዛጋኒ ማሌንቴኬ። 16 ዬያ ታ ዛጋኒ ማሌሂ' ማቆደኒያ ባንሂ ዓአዳአና ሃሃ ዒአካገ ማዒ ሙካአናአ ቢያኬ፤ ዬካገ ዪሁዳ ታ ዓአዳአና ዲንሂ ታና ማአዳ"ንዳኔ ጌዒ ታ ማሌኔ። 17 ጋዓንቴ ዬያ ታ ማላአና ታአኒ ማዳ ባኮ ዔራዋዖ፣ ማሊያና ሴካ ሃንጋ ጌዒ ሺራ ዓሲ ማላ? ሃሃ ዬያ ማሊያና ፔቴ"ና «ሂዮዋ፣ ዔይዔያ» ጌዒ ጌዒ ዓሲ ማሊሂና ታ ማዳያ ማላ? 18 ያኦሲ ሉኡቁዋ ያኦሲ ማዕረግ ኦኡኒያ ዲንሂም ኬኤዛሂ «ሂዮዋ፣ ዔይዔያ» ጌዒ ሴካ ሃንጋ ጌይሲ ሺርቫ ባአዚ"ቴዋሴ። 19 ዓይጎር ጌዔቴ ታናንታ ሲላሴንታ ዲሞቴዋሴንታ ያኦሲኮ ናዓሂ፣ ዬሱስ ኪሪሰቶሴ ዛሎ" ኦ ዲንሂም ኬኤዛሂ «ሂዮ» ጋዓያና ሌሊ ማዓንዳኢገዓቴም «ሂዮዋ፣ ዔይዔያ» ጋዓያናቴዋሴ። 20 ያኦሲ ኦም ዲንጌ ሃጊ ማዓንዳ ዋዛ" ቢያ «ሂዮ» ማዒ ኩማንዳሂ ዬሱስ ኪሪሰቶሴናኬ። ዬያሮኬ ያኦሲ ቦንቸም ኪሪሰቶሴና «ዓአሜን» ኦ ጋዓሂ። 21 ኦና ማዔቴያ ዲንሂ ኪሪሰቶሴና ኦ ደዳንዳጉዲ ማሄሂ ያኦሲኬ፤ ዲዛም ኦና ዲማሴሂያ ዲዛኬ። 22 ዲዛም ኦ ማዕረግ ዩርዛ ማላታ ኦጊዳ ጌሂሂና ሃጊ ኦም ዲንጊንታንዳ ባኮኮ ዓያና ጌኤዦ ዓይሂ ዓይሂ ባአዚ" ማሂ ኦም ዲንጌሂ ዲዛኬ።

23 ታአኒ ቆርንቶስ ማዒ ሙኪባአሂ ዲንሂ ያዩሳዓ ጌዒ፣ ሚጨንቴሂናኬ፤ ዬያኮ ያኦሲ ታኦኮ ማርካኬ። 24 ዲንሂ ጉሙርቁሂና ደዴያ ማዕረግ ዲንሂ ዋዛሳኒ ዲንሂና ዋላ" ኦ ማዓንዳኢገዓቴም ዲንሂ ጉሙርቃንዳ ባኮ ኦ ዲንሂም ኬኤዚ ዓይሂያቴዋሴ።

2

1 ዓካሪ ታ ዲንሂ ያዩሳኒ ኮይባአሂሮ ለሚ ታ ዲንሂ ኮይላ" ሙካዓ ጌዒ ማሌኔ። 2 ታ ዲንሂ ያዩሴያ ማዔቴያ ታ ያዩሴ፣ ዲንሂዳገ ዓታዛ ሜሌ" ታና ዋዛሳንዳይ ያናዳይ? 3 ሓያኮ ቤርታ ታ ዲንሂም ፃአፔሂ ዲንሂ ኮይላ" ታ ሙካአና ታና ዋዛሳኒ ኮይሳ ዓሳ ታና ያዩሱዋጉዲ ጌዒኬ፤ ዓይጎር ጌዔቴ ታ ዋዛዳኔ ጌይፃ ዲንሂ ቢያሂ ዋዛዳኔ ጌይሂ ማዕረግ ታ ጉሙርቃኔ። 4 ሚርጌ ያዩ፣ ሚታዲ ማሊሂና ሃሃ ሚርጌና ዬኤኪ ዬኤኪ ታ ዲንሂም ፃአፔሂ ሚርጌ ታ ዲንሂ ናሽካያ ማዕረግ ዲንሂ ዔራንዳጉዲ ጌይ ማዓንዳኢገዓቴም ዲንሂ ያዩሳኒ ጌይቴዋሴ።

ዳቤ ዓሲም ዓቶም ጌይሂ ዛላ

1:16 ዳኪ. ማዳ" 19:21። 1:19 ዳኪ. ማዳ" 18:5።

5 ዓይጎ ዓሲያ ማዎም ዓሲ ያዪሴይ ዓኣቶ ዒዛኮ ደቢንቶ ፑኡፒሲ ኬኤዚሢቲቱንቲ ዒ ያዪሴሢ ታናቱቱንቲ ዒንሢዳፓ ሚርጌሢ ዒ ያዪሴኔ ጌይሢኬ። 6 ዬያጉዳ ዓሢም ዒንሢዳፓ ሚርጌሢ ጌሰቲ ዓጌ ባካ ዒዛም ጊዳንዳ። 7 ዬያሮ ዬይ ዓሢ ሚርጌ ያዪሢና ዎዛ ባይተቱጉዳ፣ ዒዛም ዒንሢ ዓቶም ጋዓንዳያና ደዲሻንዳያ ኮይሳ። 8 ሃሢ ዒንሢ ዒዛ ናሽካያ ማዒያ ጊንሢ ጎናሲ ዒርዘንዳጉዳ ታ ዒንሢ ሸኢቃ። 9 ዬያ ኪኢቶ" ታ ዒንሢም ፃኣፔሢ ዒንሢ ዛጋጊ ዒንጎ ሜታሢ ዎዲ" ዒንሢ ደዲ ዓኣሣቴያ ሃሢ ቢያ ዎዳ ታኣኒ ዓይሢ ባኮ ዒንሢ ኩንሣያ ማዒያ ዒራኒ ጌይኬ። 10 ዒንሢ ደቢንቶ ዓቶም ጋዓ ዓሢም ታኣኒያ ዓቶም ጋዓንዳ፤ ታ ዒዛም ዓቶም ጋዓንዳ ዒርቴ ደቢንቲ ዓኣቶ ታኣኒ ኪሪሰቶሴ ቤርታ ዒዛም ዓቶም ጌዔሢ ዒንሢ ጋቴ ጌይኬ። 11 ዬያ ኑ ማዳሢ ፃላሄኮ ጌና ማሊያ ኑ ዒራሢሮ ካራ ዒ ዴንቂ ጌሉቱዳ ጌይኬ።

ኪሪሰቶሴና ጴዳ ባሺሢ

12 ዬካፓ ኪሪሰቶሴኮ ኮዡ ሃይሶ ኬኤዛኒ ዒርዓዳ ታ ዓኣዳ ዎደ"ና ጎዳ ዳልጊ ማደኮ ካራ ታኣም ቡሌ"ንቲ፣ 13 ዒኢካ ታኣኒ ታ ዒሻሢ፣ ቲቶ ዴንቂባኣሢሮ ዒና" ታኣኮ ሃውሽባኣሴ። ዬያሮ ዒኢካ ዓኣ ኪሪሰቶሴ ጉሙርቃ ዓሶ ሳራሢ ማቂደኒያ ታ ዓኣዳ።

14 ጋዓንቲ ቢያ ዎዳ ኪሪሰቶሴ ባሻ ባሺያና ዒኪ ኑና ሃንታሢንታ ኪሪሰቶሴኮ ዓኣ ዒራቶ ቢያ ቤዘ ሳውቃ ቲሺጉዳ ኑ ሄሊ"ሳንዳጉዳ ኑና ማሃ ያኣዛሢም ጋላታ ሄሎ"ም። 15 ኑኡኒ ዳቃ ዓሶም ማዒያ ባይቃ ዓሶም ኮሺ ሳውሞ ዓኣ ዑንጃጉዳ ኪሪሰቶሴ ዛሎ"ና ያኣሲም ዒንጊንቲያኬ። 16 ባይቃ ዓሶም ዎዳያ፣ ሃይቢ ሃይቢ ጌይ ሳውቃያ፣ ዳቃዞንሢም ጋዓንቲ ኑኡኒ ናንጊ ዒንጋያ ሺምፖ ሳቂኬ፤ ዓካሪ ዬያ ማደ" ማዳኒ ዳንዳዓሢ ያናዳይ? 17 ኑኡኒ፣ ያኣሲ ቃኣሎ" ኮርሞ ባኣዚ"ሮ ዒኪ ሃንታ ሚርጌ ዓሶጉዳቲቱታሴ፤ ጋዓንቲ ኑኡኒ ያኣሲፓ ዳኪንቲ ዓሶጉዳ ኪሪሰቶሴና ማዒ ያኣሲ ቤርታ ፒዙሞና ኬኤዛ።

3

ዓኮ ጫኣቁም ዎደ"ና ማዳ ዓሶ

1 ኑ ኑና ጊንሢ ሄሄርሻኔ ጌይሢዳ? ሃሢ ፔቴ" ፔቴ" ዓሳ ማዳሢጉዳ ዒንሢምታቴያ ዒንሢዳፓ ፒዜ ማዳያ ማዒያ ዒርዘ ዎርቃታ ኑም ኮይሳኔ ጌይሢዳ? 2 ዓሲ ቢያ ዒንሢ ዛጋያና ናባባያ፣ ኑ ፒዜ ማዳያ ማዒያ ዒርዘ፣ ኑ ዒና" ፃኣፒንቲ ዓኣሢ ዒንሢኬ።

2:13 ዳኪ. ማደ" 20:1።

3 ዲንህህ፡ ኑ ማዳ ማዳ"ፓ ጴዳያ፡ ኪሪሰቶሴኮ ፃኣፒንቴ ኪኢታ ማዕሚ ዔርቴያኬ፤ ዩይ ኪኢታ" ፃኣፒንቴህህ ናንገና ናንገ ፃኣሲ ዓያኖና ማዕንዳኣፓዓቴም ዓሲ ፃኣፓ ባኣዚ"ናቴዎሴ፤ ሃሃ ዩይ ዓሲ ዒናይዳ ፃኣፒንቴያኬ፤ ዓርሲንቴ ሹቺዳ ፃኣፖናያቴዎሴ።

4 ዩያ ኑ ጋዓህ ኪሪሰቶሴ ዛሎ"ና ፃኣሲ ጉሙርቁኬ። 5 ኑ ማዳ ማዳ" ማዳንዳጉዲ ዎልቁ ኑም ዲንጋህህ ፃኣሲ ማዕንዳኣፓዓቴም ኑኡኒ ኑ ቶኣኪና ዓይጎዎ ማዳኒ ዎልቁ ኑኡኮ ባኣሴ። 6 ዓኮ ጫኣቁዎ ዎዶ" ማዳ" ኑ ማዳንዳጉዲ ማህህህ ፃኣሲኬ፤ ዩይ ፃኣፒንቴ ዎጎናቴዎንቴ ዓያኖ ጌኤኩ ዛሎ"ና ማዕሚያኬ፤ ፃኣፒንቴ ዎጋ" ዎዎዳኔ፤ ዓያኖ ጌኤኩ ጋዓንቴ ሹምፖ ዲንጋኔ።

7 ፃኣፒንቴ ዎጎ ቆኦቁ ኮሹ"ናህህ ዓርሲንቴ ሹጮይዳኬ፤ ዎጋ ዲንገንቴ ዎዶ"ና ፃኣሲ ቦንቻ ፔጋዲ ጴዳኔ፤ ሙሴኮ ዓኣፖ ካሮ"ይዳ ፖዔ ፖዓ ባይቁ ባይቁ ዓኣዳያ ማዕቴያ ዒሰራዔኤሌ ዓጎ ሙሴኮ ዓኣፖ ካሮ" ኮሹ" ዛጋኒ ዳንዳዒባኣሴ፤ ዓካሪ ዎዳ ዎጋ" ዩያጉዴ ቦንቻና ጴዳያ ማዕቴ፡ 8 ዓያኖ ጌኤኩ ዛሎ"ና ማዳንታ ማዳ" ዎዚ ባሽ ቦንቻ ዓኣያ ማዕንዳይ! 9 ዓሶ «ዳሴኔ» ጌዒ ዎጋ ማዳ" ዩያይዲ ቦንቻንታያ ማዕቴ ዓሶ ዳቁሻ ማዳ" ዎዚ ባሽ ቦንቻ ዓኣያ ማዕንዳይ! 10 ቤርታ ቦንቻንቴያ ማዕ ማዳ" ሃህህ ባሽ ቦንቻንቴ ማዳ"ና ዎላ" ቤኤዚ ዛጎዛ ቦንቻ ባኣ ባኣዚ" ማዕ ጴዳኔ። 11 ዩይ ባይቃያ ማዕ ባካ ዩያጉዴ ቦንቻና ዓኣያ ማዕቴ ናንገና ባይቁዎፖ ናንገ ባኮኮ ባሽ ቦንቻ ዓኣኔ ጌይህኬ።

12 ዩያጉዴ ሃጊ ማዕንዳ ዎዛ ኑኡኮ ዓኣህረ ፀ-ህ ዓኣዳ ጫርቁ ኑ ኬኤዛኔ። 13 ሙሴኮ ዓኣፖ ካሮ" ፖዓህህ ሓሻኣና ዒሰራዔኤሌ ዓጎ ዒዛኮ ዓኣፖ ካሮ" ዴንቁዎጉዲ ዓኣፖ ካሮ" ዒ ካንቃኔ፤ ኑኡኒ ጋዓንቴ ዒዛ ጉዲቴዎሴ። 14 ዒሰራዔኤሌ ዓሶኮ ዒና" ዔኮዎያ ማዕ ጎኔና ዶጪ ዓኣኔ፤ ሃኖ" ሄላ"ንዳኣና ሚናኣ ጫኣቃህ ማፃኣፖ ዔያታ ናባባኣና ዒና" ዔያቶኮ ዩኖ ካንቆ ዓፒሌሎና ካንቁንታያኬ፤ ጋዓንቴ ዩና" ካንቃ ባኬላ ባይቃንዳህ ኪሪሰቶሴ ዛሎ"ና ሌሊኬ። 15 ሃኖ" ሄላ"ንዳኣና ሙሴ ዔርዜ ዎጎ ማፃኣፖ ዔያታ ናባባኣና ዒና" ዔያቶኮ ዩኖ ባኬሎና ካንቁንታኔ። 16 ጋዓንቴ ዩና ባኬላ ሸኢካኒ ዳንዳዒኔ፤ ጌኤኩ ማፃኣፖይዳ፡- «ሙሴ ጎዳ ባንህህ ማዕዛ ካንቃ ባኬላ ሸኢካኔ» ጋዓኔ። 17 ዩያኖ ጎዳ ጌይንቴህህ ዓያኖኬ፤ ጎዳኮ ዓያኖ" ዓኣ ቤሰካ ዓይሉዎ ባኣሴ። 18 ዩያኖ ኑ ቢያህህ ጎዳኮ ቦንቻ

3:3 ኬሲ. ማፃ 24፡12፤ ዔር. 31፡33፤ ሂዚ. 11፡19፤ 36፡26። 3:6 ዔር. 31፡31። 3:7 ኬሲ. ማፃ 34፡29። 3:13 ኬሲ. ማፃ 34፡33። 3:16 ኬሲ. ማፃ 34፡34።

ካንቁንትባአ ዓአፒ ካራና ፖሊ፡ ፔጋሲ ዳዋኔ፤ ዓደና ማዔ ጎዳይዳፓ ጴዳ ሃይ ቦንቻ ቦንቻይዳ ቦንቻ ኑም ቃሲ" ቃሲ" ዓዳ" ጎዳ ኑ ማላንዳጉዲ ማሃኔ።

4

ጾኦሲ ማዶ"ም ዳኪንቴዘንሢኮ ጉሙርቁንቲ ማዶ"

1 ጾኦሲ ፔ ኮቩሞና ሃያ ማዶ" ኑም ዒንጌሢሮ ሐጋአ ዋዛባአ ዓሲ ኑ ማዓዓኬ። 2 ዔርቲባአ ባኮና ቦርሳያ ማዔ ባኮ ኑ ሃሹ"ኔ፤ ገሺሢሢ ማዶም ኑ ማዶሞሴ፤ ጾኦሲኮ ቃአሎ" ሉኡዙሞ ባአዚ"ና ዋላ" ኑ ሲኢሩሞሴ፤ ጋዓንቴ ጎኑሞ ፔጋሲ፡ ፔጋ ኬኤዛኔ፤ ማሊያ ኩኡሲያ ዓሲም ቢያ ፔጋሲ ፔጋሲ ጾኦሲ ቤርታ ኑ ናንጋኔ። 3 ኑ ኬኤዛ ኮኩ ሃይሳ ዔርቲቆያ ማዔቴያ ዔርቲቆያ ማዓሢ ባይቃ ዓሶምኬ። 4 ዔያታ ኑ ኬኤዛ ባኮ ጉሙርቁሞአሢ ሃያ ዓጮ"ኮ ጾኦሲ ማዔ፡ ፃላሄ ዒኖ" ዔያቶኮ ባይዜሢሮኬ፤ ጾኦሲ ማሎና ጴዳ፡ ኪሪሰቶሴ ቦንቻ ዛሎ" ኬኤዚንቴ ኮኩ ሃይሶይዳፓ ጴዳ ፖያ ዴንቁሞጉዲ ዔያቶ ማሃሢ ዒዛኬ። 5 ኑኡኒ ኬኤዛሢ' ዬሱሰ ኪሪሰቶሴ ጎዳ ማዔሢና ኑኡኒያ ኑ ቶኦከና ዬሱሴ ዛሎ"ና ዒንሢሞ ማዶያ ማዔያ ማዓንዳአፓዓቴም ኑ ዛላ ኑ ኬኤዙሞሴ። 6 ዓይጎሮ ጌዔቴ፡- «ፖሳ ዲሞይዳ ፖያንጎ» ጌዔ ጾኦዛሢ ኪሪሰቶሴ ማሎና ፖሳ፡ ጾኦሲ ቦንቻ ዔርዛ ፖሊ ኑም ዒንጌንታዳጉዲ ፖያ ኑኡኮ ዒናይዳ ፖሊሄኔ።

ጾቲ ጋርካ ጌሢንቴ ኮይዚንታ ሜሃ

7 ጋዓንቴ ሃይ ዴኤፖ ዋልቃ ጾኦሲዳፓ ማዓንዳአፓዓቴም ኑኡሮ ማዒባአሢ ዔርታንዳጉዲ ሃያ ቦንቻ ባኮ ጾቲ ማዒ ኑ ዓርቁ ዓአኔ። 8 ቢያ ዛሎ"ና ሜታ ኑና ሄላ"ኔ፤ ጋዓንቴ ኑ ባሺንቲሞሴ፤ ሚርጌና ዔርቲ ዒፃ ባአዚ" ኑ ጊዳ" ሙካኔ፤ ማዔቴያ ኑ ሃጊ ማዓንዳ ዋዛ ባይዙሞሴ፤ 9 ኑና ዒፃ ዓሳ ዳውሳኔ፤ ጋዓንቴ ላጌ ኑ ባይዚ ቤቁባአሴ፤ ጳዲንቲ ኑ ሎኦማኔ፤ ጋዓንቴ ኑ ባይቁሞሴ፤ 10 ዬሱሴኮ ሃይቦ" ባሼ ሹምፓሢ ኑ ዑፃ ፔጋዲ ዔርታንዳጉዲ ቢያ ዋዴ ዬሱሴኮ ሃይቦ" ኑ ዑፃ ኑ ኬዲ ሃንታኔ። 11 ዒዛኮ ሃይቦ" ባሼ፡ ሹምፓሢ ኑኡኮ ሃይቃ ዑፃይዳ ፔጋዲ ዔርታንዳጉዲ ጌዒ ኑኡኒ ሃሢ ሹምፖና ዓአ ዓሳ ቢያ ኬሊ" ዬሱሴ ዛሎ"ሮ ሃይቁያ ዓቲ ዓቲ ዓአኔ። 12 ዓካሪ ኑኡኒ ሐይቁያ ዓቲ ዓቲ ናንጋኔ፤ ዒንሢ ጋዓንቴ ሹምፖና ናንጋኔ።

13 ጌኤኩ ማፃአፖይዳ፡- «ታ ጉሙርቃሢሮ ኬኤዜኔ» ጌይንቲ ፃአፒንቴሢጉዲ፡ ኑኡኒያ ዬኖ ዓደናና ጉሙርቃኔ፤ ዬያሮ ኑ ኬኤዛኔ።

4:6 ማዘ. ማፃ 1:3።

14 ጎዳ ዩሱሴ ሃይባ"ፓ ዔቂሴ ጾካዛሢ ኑናኣ ዩሱሴና ዋላ" ዔቂሴ፡ ዒንሢና ዋላ" ፔ ቤርቶ ሺኢሻንዳሢ ኑ ዔራኔ። 15 ዩይ ቢያ ዒንሢ ማኣዳ"ንዳጉዲ ማዔኔ፤ ጾኢሱ ኮሹሞ ዒንገፃ ሚርጌ ዓሶም ዒንገንቲ ዒንገንቲ ዓኣሢ ዩይ ዓሳ ጾኢሴ ሚርጌና ጋላታንዳጉዲና ቦንቻንዳጉዲኬ።

ጎዳ ጉሙርቂ ናንጊሢ

16 ዩይር ኑ ሃጋኣ ዋዛባኣ ዓሲ ማዓዓኬ፤ ዋዚ ኑኡኮ ዙላ" ጴዳ፡ ዑፃ ባይቃያ ማዔቲያ ጋር ዑፃ ኑኡኮ ቢያ ኬሊ" ዓካዳኔ። 17 ዋይቲ ጌዔቲ ሃይ ሹሌዔ፤ ሃሣ ዳካ" ዋይር ማዔ ማታሢ ቤቃያባኣ፡ ናንገና ናንጋ ቦንቻ ኑም ጴዳሻንዳኔ። 18 ኑኡኒ ዛገ ዓኣሢ፡- ጴዳ ባኮቱዋንቲ ጴዳዋ ባኮኬ፤ ዓይጎር ጌዔቲ ጴዳ ባካ ሃሣኣ ባኣዚ" ሌሊኬ፤ ጴዳዋ ባካ ጋዓንቲ ናንገና ባይቁዋ ባኣዚ" ማዔሢርኬ።

5

1 ሓይ ዉልሻ ማላ፡ ዳካ" ዋይር ማዔ ዑፃ ኑኡኮ ባይቁቲያ ዓሲ ማዘባኣያ፡ ጾኢሴ ማዘፍ ናንገና ናንጎ ማኣሪ ኑኡኮ ጫሪንጮይዳ ዓኣሢ ኑ ዔራኔ። 2 ሃይካ ሳይይዳ ኑ ዓኣያ ጫሪንጮይዳ ዓኣ ማኣር ኑኡኮ ጌላኒ ኮሲ ሚርጌና ማሊ ኑ ማታዳኔ። 3 ዩያ ማኣርይዳ ኑ ጌሌ ዋደ"ና ማኣሪባኣያ ካሎ" ኑ ማዓዓኬ። 4 ሓያ ዉልሻጉዴ ማኣርይዳ ኑ ናንጋ ናንጋ ዴኤፃም፡ ኑ ሚርጌና ማሊ ማታዳኔ፤ ኑ ዩያይዲ ማሊ ማታዳሢያ ኑኡኮ ሃይቃ ዑፃ ናንጎና ዔኤዲንቶም ገዳ" ቃቃሳኒ ማዓንዳፓዓቲም ኑፓ ሺኢሻንቲቀሶ። 5 ያዲ ማዓንዳጉዲ ኑና ገኢገሺሢሢ ያኢሴኬ፤ ኑም ሃገ ማዓንዳ ባኮኮ ቢያ ዓይሢ ባኣዚ" ማዓንዳጉዲ ፔኤኮ ዓያኖዋ ኑም ዒንጌሢ ዒዛኬ።

6 ኑኡኮ ሳይይዳ ናንጎ ማኣር ማዔ ዑፃና ኑ ዓኣ ዋደ"ማና ጎዳይዳፓ ኑ ሃኪ ናንጋሢ ዔራያ ማዔቲያ ቢያ ዋዴ ዒገጮቲዋያ ጎዳ ጉሙርቂ ኑ ናንጋኔ። 7 ኑኡኒ ናንጋሢ ጎዳ ጉሙርቂሢና ማዓንዳፓዓቲም ዛገሢናቲቀሶ። 8 ሓያ ኑኡኮ ማኣር ማዔ ዑፃይዳፓ ዴማዲ ጎዳና ናንጋኒ ኑኡኒ ኮዓኔ፤ ጫርቂኬ ኑ ጌሰታሢ። 9 ዩይር ሓያ ኑኡኮ ዑያና ኑ ዓኣቲያ ዴማዲ ኑ ናንጌቲያ ኑኡኮ ማሊፃ ጎዳ ዋዛሲሢኬ። 10 ፔቲ" ፔቲ"ሢ ፔ ናንጌ ዋደ"ና ማዳማ ጉዴያ፡ ኮሺ ማዔቲያ ፑርታ ማዳ ማደ" ዛሎ" ዒንገንታ ባኮ ዔካኒ ኪሪሰቶሴኮ ዋጎ ዋጎ ቤዞ ሺኢኪ ዔካንዳኔ።

ኪሪሰቶሴ ዛሎ"ና ገኢገሺሢ ማደ

11 ያኑሲ ዲጊጩህ ዋዚ ጌይህታቲያ ኑ ዔራህረር ዓሳ ኑ ጋዓ ባኮ ጎኔኬ ጌይ ዔካንዳጉዲ ኑ ማዳኔ፤ ኑኡኒ ያናንህታቲያ ያኑሲ ኑና ዔራኔ፤ ዲንህያ ሃሃ ዲንህ ዲኖና ኑኡኒ ያናንህታቲያ ዔራኔ ጌይ ታ ማላኔ። 12 ጋርሲ ዲናይዳ ዓኣ ባኣዚ"ቱዋንቴ፥ ዙላ" ዓሲም ጴዳ ባኣዚ"ና ሄርሺንታ ዓሶም ዲንህ ማሂ ኬኤዛኒ ኑኡና ዲንህ ሄርሺንታንዳጉዲ ማዓንዳኣገዓቲም ላሚ ጊንህ ኑኡኮ ያኑም ዲንህም ኑ ኬኤዛኒቱዋሴ። 13 ኑ ዣኣሽካ ዓሲ ማዔቲያ ያኑሲር ጌይኬ፤ ሃሃ ዲናና ዓኣ ዓሲ ኑ ማዔቲ ዲንህረ ጌይኬ። 14 ኪሪሰቶሴኮ ናሹማ ኑና ዬያ ማዲሻኔ፤ ፔቴ"ህ ሲያህ ዛሎ" ሃይቁህረ ሲያህ ዲዛና ዋላ" ሃይቁያ ማዔህ ኑ ዔራኔ። 15 ሸምፔና ዓኣዘንህ ሲያ ዔያቶ ጋይቲ ሓይቂ ሓይባ"ገ ዔቁህም ናንጋንዳኣገዓቲም ሃይካገ ሴካ ፔኤም ጌዲ ናንጉዋጉዲ ኪሪሰቶሴ ሲያህም ሓይቁኔ።

16 ዬያር ሃይገ ሴካ ያናኣ ኑ ዓሲ ዛጋ ዓኣፒና ዛጋዓኬ፤ ሃያኮ ቤርታ ኪሪሰቶሴ ኑ ዛጌህ ዓሲ ዛጋ ዓኣፒና ማዔቲያ ሃካገ ሴካ ጋዓንቴ ኑ ዛጋንዳህ ዬያ ጎይታቱዋሴ። 17 ዬያር ያኡኒያ ኪሪሰቶሴና ዋላ" ፔቴ" ማዔቲ ዓኪ ማዢንቲኬ፤ ቤርታኣ ባካ ዓኣዳኔ፤ ዬያ ቤዘ ዓኪ ባኣዚ" ዓርቁኔ ጌይህኬ። 18 ዬይ ሲያ ያዲ ማዔህ ኑና ፔኤና ዋላ" ኪሪሰቶሴ ዛሎ"ና ጊኢጊሺህና፥ ጊኢጊሺያ ማዳ"ዋ ኑም ዲንጌ ያኣዛህ ዛሎ"ናኬ። 19 ዬይያ ያኑሲ' ኪሪሰቶሴ ዛሎ"ና ዓሶ ሲያ ፔኤና ዋላ" ጊኢጊሺኔ ጌይህኬ፤ ሃሃ ዲሲንቶዋ ዔያቶኮ ዓርቂባኣሴ፤ ኑኡማኣ ዬያ ዓሶ ጊኢጊሻ ቃኣሎ" ዲንጌኔ።

20 ያኑሲ' ዓሶ ፔ ባንህ ኑ ዛሎ"ና ዔኤላ"ህረር ኑኡኒ ኪሪሰቶሴ ዛሎ" ማዒ ጌሰታያኬ፤ ዬያር፡- «ያኑሲና ዋላ" ጊኢጉዋቴ» ጌዲ ኪሪሰቶሴ ሱ'ንጾና ኑ ዲንህ ሺኢቃኔ። 21 ኑኡኒ ኪሪሰቶሴና ዋላ" ፔቴ" ማዒ ያኑሲ ዓሎ"ም ዴንቃንዳጉዲ ጎሜባኣ ኪሪሰቶሴ ኑኡኮ ጎም ኬዳንዳጉዲ ያኑሲ ማሄኔ።

6

1 ያኑሲና ዋላ" ኑኡኒ ማዳያ ማዔያታህረር፡- «ዲንህ ያኑሲዳገ ዔኬ፥ ዲ ፔ ኮሹሞና ዲንጌ ዲንጊያ ጉሪ ማሂፖቴ» ጌይ ኑ ዲንህ ሺኢቃኔ። 2 ያኑሲ ኬኤዛያ፡-

«ታ ኔኤም ኮሺ ባኣዚ" ማዳንዳኔ ጌዔ ኬላ"
 ሄሌ" ዋዶ"ማና ታ ኔኤም ዋይዜኔ፤
 ታ ኔና ዳቂሻንዳኔ ጌዔ ኬላ"
 ሄሌ" ዋዶ"ማና ታ ኔና ማኣዳ"ኔ» ጋዓህረር
 «ሓይሾ ዓካሪ ጌይንቴ ዋዳ" ሃያኬ፤

ዳቂንቶ ኬላ"አ ሃኖ"ኬ።»

3 ኑ ማዳ ማዳ" ለሂንቱዋጉዲ ዓይጎ ባአዚ"ና ማዕቲያ ያአማአ ዲቆ ኑ ማዓዓኬ። 4 ጋዓንቲ ኑና ሄላ" ማቶና ሄላ" ባኮ ቢያ፤ ሃሃዋ አዪሳ ማቶ ቢያ ገቢ" ዳንዳዒሂና ያኦሲም ማዳ ዓሲ ማዒያ ቢያ ዛሎ"ና ኑ ፔጋሲ ዔርዛኔ። 5 ያኦሲም ማዳ ዓሲ ማዒያ ኑ ዔርዛኔሂ፡- ዠራፓና ጳዲንቲ፣ ቱኡቲ፣ ዓሲና ዣሊ፣ ሚርጌ ማዲ ላቢ"ንቲ፣ ገንዖ ዓቲሂና ናይዲንቲሂናኬ። 6 ዬያጉዲ ሃሃ ጌኤሹሞና፣ ዔርቶና፣ ገቢ" ዳንዳዒሂና፣ ኮሹሞና፣ ዓያና ጌኤሹ ዳዋ ጎይዖ ሃንቲሂና፣ ጎኔ ናሹሞና፣ 7 ጎኔ ባኮ ኬኤዚሂና ያኦሲ ዋልቁና ማዲያናኬ፤ ዔኤቢ ባሻኒ ማዕቲያ ኑ ገዳ" ሙካ ባኮ ለአጋኒ ዳንዳዒሳ ዓንጋሞ ኑኡኮ ማዓሂ ሂሉ"ሞኬ። 8 ለንቲንቲሂና ዳውሲንቲሂና ጋላቲንቲሂና ጫሽኪንቲሂና ኑ ናንጌኔ፤ ሃሃ ኑ ጎኔ ኬኤዛ ዓሲታዖ ሉኡዚ ዓሲ ጌይንቲኔ፤ 9 ኑ ዔርቲ ዓሲታዖ ዔርቲባአ ዓሲ ማዕኔ፤ ሃይቄኔ ኑ ጌይንቲያታዖ ሃሂ ሹምፔና ኑ ዓአኔ፤ ኑኡኒ ጳርቂንቲቲያ ኑና ዋዲቦኦ፤ 10 ኑና ያዪሶና ማዕቲያ ቢያ ዋዴ ኑ ዋዋዛዳያኬ፤ ኑ ማንቆ ዓሲታዖ ሚርጌሂ ኑ ያርጎቻኔ፤ ዓይጎ ባአዚ"ያ ባአ ዓሲታዖ ቢያ ባካ ኑኡር ማዕያኬ።

11 ዒንሂ ቆሮንቶሴይዳ ናንጋ ዓሳ! ታ ዒንሂም ፔጌና ኬኤዜኔ፤ ዒኖ" ኑኡኮ ኑ ዒንሂም ዳዊ ሃሹ"ኔ። 12 ዒንሂ ዒንሂኮ ዒኖ" ኑም ዳዊ ሃሹ"ባአፓዓቲም ኑ ዒኖ" ዒንሂም ዳዊ ኑ ሃሹ"ኔ። 13 ታኡኮ ዒንሂ ናአቶ" ማዕሂር ታ ዒንሂም ኬኤዛሂ፡- «ዒንሂያ ዒማይዳ፣ ሚርጌና ዒኖ" ዒንሂኮ ኑም ዳዊ ሃሻ"ንዳጉዲ» ጌይኬ።

ኪሪሰቶሴ ጉሙርቁዋ ዓሶና ዋላ" ፔቱሞ ለአገንቲዖ

14 ኪሪሰቶሴ ጉሙርቁዋ ዓሶና ዋላ" ኮይሱዋ ጎይሂና ፔቲ" ማዒፖቲ፤ ሂሉ"ሞና ጎሜና ፔቲ" ማዒኒ ዳንዳዓ? ፖዒና ዲሚና ዋላ" ዋዲ" ናንጋኒ ዳንዳዓይ? 15 ኪሪሰቶሴና ዲያብሎሴና ዋይቲ ዋላ" ገኢጋኒ ዳንዳዓይ? ኪሪሰቶሴ ጉሙርቃ ዓሲና ጉሙርቁዋ ዓሲና ዋይቲ ፔቲ" ማዒኒ ዳንዳዓይ? 16 ያኦሲኮ ጌኤዢ ማአርና ሚሌ" ያኡዘናኮ ዓይጎ ፔቱሞ ዓአይ? ያኦሲ፡- «ታ ናንጋ ማአር፣ ታ ዴሮ" ባአካ" ታ ማሃንዳኔ፤

ዔያቶና ዋላ" ታ ናንጋንዳኔ፤
ታ ዔያቶኮ ያኡዘሂ ማዓንዳኔ፤
ዔያታኡ ታ ዴሬ ማዓንዳኔ»
ጌዔሂጉዲ ኑኡኒ ባይቁዋ ያኡዘሂም ዲማዴ ማአሪኬ። 17 ሐሃ ያኦሲ ኬኤዛዖ፡-

6:2 ዒ.ሲ. 49:8። 6:5 ዳ.ኪ. ማዳ" 16:23። 6:16 ለዊ. ዓከ 26:12፤ ሂዚ. 37:27፤ 1ቆር. 3:16፤ 6:19።

«ዔያቶ ባኣካ"ፓ ዲማዲ ኬስኩዋቲ፥
 ዒኢቲ ባኩ ካኣሚፖቲ፤
 ታኣኒያ ዒንሢ ታ ዓሲ ማሃንዳኔ፤
 18 ታ ዒንሢኩ ዓዶ ማዓንዳኔ፤
 ዒንሢ ታኣኩ ዓቲንቆና ዉዱሮ ናኣቶ"ና ማዓንዳኔ፤
 ጋዓኔ፤ ቢያ ባኣዚ" ዳንዳዓ ጎዳሢ።»

7

1 ዓካሪ ታ ዒጊኖንሢዮቲ! ሓይ ቢያ ሃጊ ማዓንዳ ዋዛ" ዒንጊንቲሢ፡ ኑም ማዔሢሮ ዓሲኩ ዑሢና ዓሲኩ ጋሮ ዓያኖና ዒኢሳ፥ ዓይጎ ባኣዚ"ዳፓኣ ኑ ቶኦኩ" ኑ ጌኤሾም፤ ያኦሲ ዒጊጨሢና ዒዛም ኑኡኩ ዲማዲያ ዔርቲያ ኑ ማሆም።

ጳውሎስ ዋዛዳ ዋዛ

2 ዒኖ" ዒንሢኩ ኑም ዳዊ ሃሹ"ዋቲ፤ ያኦማኣ ኑ ፑርታ ማዲባኣሴ፥ ያናኣ ኑ ዳቢሲባኣሴ፤ ሃሣ ያናኣ ኑ ጌሺ ዋልቆ ሙይባኣሴ። 3 ዬያ ታ ጋዓሢ፡- «ዒንሢ ዳቤኔ» ጋዓኒ ጌይቱዋሴ፤ ዓይጎሮ ጌዔቲ ሃያኩ ቤርታ ኑ ዒንሢም ጌዔሢጉዲ ዒንሢ ኑ ዒና"ፓ ባይቂባኣሴ፤ ዬያሮ ኑ ናንጌቲያ ሓይቄቲያ ቢያ ዋዴ ዒንሢና ዋላ"ኬ። 4 ዒንሢ ታ ኮሺ" ጉሙርቃኔ፤ ሃሣ ዒንሢና ታ ኮሺ" ሄርሺንታኔ፤ ኑ ሜታዳኣና ቢያ ዴኤፒ ደዲም ታ ዴንቃኔ፤ ታ ዋዛዳ ዋዛኩዋ ጋፒንሢ ባኣያኬ።

5 ሜቄዶኒያ ኑ ሄሌ"ያናታዖ ሚርጌ ዛላና ሜታ ኑና ሄሌ"ያፓዓቲም ሃውሺሢ ኑኡኩ ባኣያ ማዔኔ፤ ዙላ"፥ ሜሌ" ዓሳፓ ሙካ ባኩና ሃሣ ኑ ዒና" ኑና ዒጊቻ ባኩና ኑ ሚርጌ ሜታዴኔ። 6 ጋዓንቲ ያያ ዓሶ ደዲሻ፥ ያኣዛሢ ቲቶ ኑ ኮራ ዳኪያና ኑና ደዲሹኔ። 7 ኑ ደዴሢ' ዒዛኩ ኑ ኮራ ሙኪያና ሌሊ ማዒባኣንቲ ዒንሢ ዒዛ ደዲሹያ ማዔሢያ ኑ ዋይዜሢሮኬ። ሃሣ ዒንሢ ታና ጳቂሣሢያ፥ ታ ዛሎ"ሮ ዒንሢ ያያያ፤ ጊንሣ ሃሣ ታና ሚጨንቲ ዒንሢ ማላ ማሊያ ኑም ዒ ኬኤዛዛ ሚርጌና ታ ዋዛዴኔ።

8 ሃያኩ ቤርታ ታ ዒንሢም ፃኣፔ ከኢታ" ዒንሢ ያይሴያ ማዔቲያ ዬያ ፃኣፒያና «ዳቤኔ» ታና ታ ጎዑዋሴ፤ ታ ታና «ዳቤኔ» ጌዔቲያ ዬይ ታ ፃኣፔ ከኢታ" ዳካ" ዋዴሮ ሌሊ ዒንሢ ያዩሴሢ ታ ዔሬኔ። 9 ሃሢ ታ ሚርጌና ዋዛዴኔ፤ ታ ዋዛዴሢያ ዒንሢ ያዩሴሢሮቱዋንቲ ዒንሢኩ ያዩፃ ዒንሢኩ ዳቢንቶ ዒንሢም ዔርዜም፥ ዒንሢ ዬያፓ ማዔያታሢሮኬ፤ ዓካሪ ዒንሢኩ ያዩፃ ያኦሲ ማሊሢጉዲ ማዔሢሮ

6:17 ዒሲ. 52፥11። 6:18 2ሳሙ. 7፥14፤ 1ዮሴሲ. ዓሃኬ 17፥13፤ ዒሲ. 43፥6፤ ዔር. 31፥9። 7:5 2ቆር. 2፥13።

ዓይነቱን ዓንሳፊው ፑርቲሲባኦስ ገይሏል። 10 ያኦሲ ማላሣጉዳያ ማዕዳ ያዩሁ፡- ዳቁንታ ባንሣ ዓከሲ ሙካ፣ ጎሜ ቡኡጊም ገኢጊሻሣሮ «ዓይጋ ዬይ ማዕዳ» ገይሳያቱባሴ። ሃያ ዓጮ" ዛሎ"ና ሙካ ያዩሁ ጋዓንቲ ሓይቢ ዓከሲ ሙካ። 11 ዬይ ያኦሲ ማሊያ ጉዳያ ማዕዳ ያዩ፡ ዶዲ ዓንሳፊ ማላንዳጉዲና ዳቢንቲባኦስ፣ ገኤሽ ዓንሳፊ ማዕዳሣ ዓርዛንዳጉዲ ዓንሳፊ ማሃኔ፤ ዬያጉዲ ሃሣ ጎሜ ማዕዳ ባኦዚ" ዓንሳፊ ዓይያ ማዕንዳጉዲ፣ ታ ዘሮ" ዓንሳፊ ዓጊጩ ዓካንዳጉዲ፣ ታና ዓንሳፊ ጳቂሃንዳጉዲ፣ ዓያና ዓኦ ማላሣና ፒዜ ዓንሳፊ ዋጋንዳጉዲና ዳቢንቲሣያ ዓንሳፊ ጎራ"ንዳጉዲ ዓንሳፊ ማሃኔ። ዬያ ባኮ ቢያና ዓንሳፊ ገኤሽ ማዕዳሣ ዓንሳፊ ዓርዛኔ።

12 ዓካሪ ታ ዓንሳፊም ያኦፔሣ፡- ኑ ዛሎ" ዓንሳፊ ማላ ማሊያ ያኦሲ ቤርቶይዳ ገኤሽ ማዕዳ ዓንሳፊም ጳዳንዳጉዲ ማዕንዳኦጋዓቲም ዳቢንቲ ዓሲና ፑርታ ባኦዚ" ማዳንቲ ዓሲና ዛላቱባሴ። 13 ኑ ዶዲሣያ ዬያ ዛሎ"ናከ።

ሃሣ ኩኩ ዶዲማጋ ባሽ ቲቶ ዋዛዳሣሮ ሚርገና ኑዋ ዋዛዳኔ፤ ዓይጎሮ ገዳቲ ዓንሳፊ ቢያሣ ቲቶ ዶዲሽያና ዓዛኮ ዓሊ" ሃውሽሴሣሮከ። 14 ዓንሳፊና ታ ሄርሽንታ ሄርሽንቶ ቲቶም ታ ከኤዜኔ፤ ዓንሳፊ ታና ዬያና ቦርሲሲባኦስ። ቢያ ዋዳ ኑ ዓንሳፊም ከኤዛ ባካ ጎኔ ባኦዚ" ማዕዳሣጉዲ፣ ዓንሳፊ ዛሎ" ሄርሽንቲ ቲቶም ኑ ከኤዜ ባካ ጎኔ ማዕዳሣ ዓርቲኔ። 15 ቢያሣ ዓንሳፊ ዓይሣንታያታሣና ዓጊቹምና ጎጋይቂ ዓንሳፊ ዓዛ ሸኦቹንሣ ዓከሣ ዓዚ ጳቂሃኦና ዓንሳፊ ዓ 0-ሣ ዓኦዳ ናሽካንዳጉዲ ማሃኔ። 16 ታኦኒያ ጉቤ ባኦዚ"ና ዓንሳፊ ጉሙርቃኒ ዳንዳዒያና ሚርገ ዋዛዳኔ።

8

ኪሪሰቶስ ጉሙርቃ ዓሳኮ ማኦዳሣ ዓንገያ

1 ታ ዓሽንሃ! ታ ሚሸንሃ! ያኦሲ ሜቄዲያይዳ ዓኦ፣ ኪሪሰቶስ ጉሙርቃ ሸኢጲያ ማኦሮ ዓሳም ዓንገ ኮሹሞ ዓንገያ ዓንሳፊ ዓራንዳጉዲ ኑ ኮዓኔ። 2 ዶዲ ሜታ ዔያቶ ሄሌ"ያ ማዕቲያ ዔያታ ሚርገና ዋዛዳያከ፤ ሃሣ ኮሽ" ዔያታ ማንቆ ማዕቲያ ኮሹሞና ዔያታ ዓንገ ዓንገያ ሚርገከ። 3 ዔያቶም ዳንዳዒንታሣጉዲቱዋንቲ 0-ሣ ዓኦሣ ፔ ናሹሞና ዔያታ ዓንገሣ ታ ዔያቶ ዛሎ" ማርካዳኔ። 4 ዪሁዳይዳ ዓኦ፣ ኪሪሰቶስ ጉሙርቃ ዓሳ ዔያታ ማኦዳ"ኒ ኮዒ ሚርገና ኑና ሸኢቄኔ፤ 5 ዔያታ ማዳ

8:4 ሮሜ 15:26።

ባኮ ኑ «ዔያታ ማዲንዳያ ናንዳኔ» ጌቢ ማሌሰካፓ ዑሣኬ፤ ዔያታ ቤርታሲ ፔና ጎዳሢሞ ቢንጌኔ፤ ዩካፓ ጊንሣ ያኦሲ ማሊያጉዴያ ፔ ቶኦኮ" ኑሞ ቢንጌኔ። 6 ዩያ ማዶ" ቤርታ ማዲሾ ባርቄሢ ቲቶ ማዔሢሮ ሃሢ ዩይ ቢንሢ ኮሹሞና ቢንጋ ቢንጊያ ጋፒንሢ ሄሊ"ሲ ቢ ማዲሻንዳጉዲ ኑ ቢዛ ሸኢቄ። 7 ቢንሢ ኪሪሰቶሴ ጉሙርቄያና ማዖም ጌሰቶ ጌኤሲና፣ ዔራቶና፣ ባሲ ማኦዳ"ኒ ቢንሢኮ ባኦ ዶዶ ማሊያና፤ ሃሣ ኑና ቢንሢ ናሽካ ናሹሞና ማዔቴያ ጴኤፒ ማዶ ቢንሢ ማዶሢጉዴያ ዩያ ኮሹሞና ቢንሢ ቢንጊ ማዶ ማዶ"ናኦ ቢንሢ ደዳንዳጉዲ ኑ ኮባኔ።

8 ባካሪ ዩያ ታ ጋባሢ ባይሥሢ ኪኢ ታ ማሃቱሞሴ፤ ጋባንቴ ሜሌ" ባሳ ዶዲ ቢንጋ ቢንጊያና ቢንሢና ሞላ" ቤኤዚ ዛጊ ቢንሢኮ ጎኔ ናሹሞ ዔራኒ ታ ኮባሢሮ ጋባኔ። 9 ቢንሢ ኑ ጎዳሢ፣ ዩሱሰ ኪሪሰቶሴ ኮሹሞና ቢንጌ ጴኤፖ ቢንጊያ ዔራኔ፤ ቢዚ ሚርጌ ዖርጎቲታዖ ቢንሢ ዖርጎቲኒ ቢንሢ ዛሎ"ሮ ጌቢ ማንቆ ማዔኔ።

10 ዩኖ ዛሎ"ና ቢንሢሞ «ኮሺ ማዓንዳኔ» ጌቢ ታ ማላ ዞሮ ቢንሢ ታ ዞራኔ፤ ሂናኦኬሪ ቢንጊያና ሌሊቱሞንቴ ቢንጋኒ ማሊያናኦ ቤርቲ ማዔ ባሳ ቢንሢኬ። 11 ዩያሮ ቢንሢ፣ ቢንጋኒ ናሹሞና ዔቄ ማሊያ ማዲንቴያ ማቢ ጋፒንሢ ሄላ"ንዳጉዲ ቢንሢኮ ባኦ ጎይያ ዩያ ቢንሢ ማሌ ማዶ" ሃሢ ማዲሞቲ። 12 ናሹሞና ቢንጋኒ ማሊሢ ባኦቲ ባሲኮ ቢንጊሢ ያኦሲ ቤርታ ዔውቴያ ማዓሢ ባሢ ፔኤኮ ባኦ ጎይያ ቢንጋዛ ማዓንዳኦፓ ባቴሞ ባኦ ባኦዚ" ቢንጋንዳኔ ጌይያናቱሞሴ።

13 ዩያ ታ ጋባሢ' ቢያሢ ቢንሢ ሄኮ ማዓንዳጉዲ ማዓንዳኦፓ ባቴሞ ቢንሢ ቢንጊያና ሜቶይዳ ጌሌሞ ማኦዲ"ንታ ባሳ ሜታባኦያ ዴዓንዳጉዲ ጌይቱሞሴ። 14 ሃሢ ቢንሢኮ ባኦ ባካ ዔያቶ ሜታሢ ማኦዳ"ያ ማዖንጎ፤ ሃሣ ቢንሢ ሜታዴ ሞዶ"ና ዔያቶኮ ባኦ ባካ ቢንሢ ሜታሢ ማኦዳ"ያ ማዖንጎ፤ ዩያይዲያና ቢንሢኮ ባኦካ" ሄኮሞ ባኦያ ማዓንዳኔ። 15 ዩይያ:-

«ሚርጌ ቡኩሲ ዔኬሢሢሞ
 ዑሣ ባኦዳ፣ ዲቢባኦሴ፤
 ዳካ" ቡኩሲ ዔኬሢሢሞ
 ፓጩ፣ ዳኪ"ባኦሴ» ጌይንቴ ያኦፒንቴሢጉዲኬ።

ቲቶኮ ቆሮንቶሴ ዳኪንቴያ

16 ታ ቢንሢሞ ማላሢጉዲ ቲቶሞ ቢንሢሞ ማላንዳጉዲ ማሄ ያኦዛሢ ጋላቲንቶጎ። 17 ሐሢ ቲቶ ቢንሢ ኮራ ዴንዳሢ ፔኤሮ ናሽኪኬ፤ ኑ ቢዛ ዴንደሞ ሸኢቃሢሮ ሌሊቱሞሴ። 18 ኮኾ ሃይሶ

8:15 ኬሲ. ማፃ 16:18።

ከኤዚያና ኪሪሰቶስ ጉሙርቃ ዓሶ ሺኢጲያ ማኣሮይዳ ቢያ ዔርቴ፣
 ዒሻሢ ዒዛና ዎላ" ኑ ዳካንዳኔ። 19 ዒዚ ዬይ፣ ዒሻሢ ኑኡኒ ዬያ
 ኮዦ ማዶ" ጎዳ ቦንቾም ማዳኣና፤ ሃሣ ኑ ማዳኒ ናሹሞና ዔቃኣና
 ኑኡና ዎላ" ዒ ዓኣዲ ማዳንዳጉዲ ሺኢጲያ ማኣሮ ዓሳ ዒዛ
 ደኦሬያኑ። 20 ዬያ ዒንጎና ሚኢሾ ዓርቁ ማዶይዳ ኑ ፔኤሻ ዎዶ"ና
 ኑ ዶንኪንቱዎጉዲ ኮሺ" ኑ ሂርጊ ካፓኔ። 21 ዓይጎሮ ጌዔቴ ማሊፃ
 ኑኡኮ ጎዳ ቤርታ ሌሊቱዎንቴ ዓሲ ቤርቲዳኣ ኮሺ ማዔ ባኣዚ" ማዳኒ ታሢሮኩ።

22 ሚርጌ ዎዶ ሚርጌ ባኣዚ"ና ጉሙርቁንታያ ማዒፃ ዛጊንቴም
 ደዲ ማዒ ጳዴ፣ ዒሻሢያ ተቶንሢና ዎላ" ኑ ዳኬሢ ዬያሮኬ፤ ዒዚ
 ዒንሢ ሚርጌና ጉሙርቃሢሮ ሃሢ ዒንሢ ዒ ማኣዳ"ኒ ደዲ ማላ
 ማሊፃ ኮሺ" ደኤፒኬ። 23 ተቶ ዛሎ" ዔራኒ ያኦጫ ዓሲ ዓኣቴ ዒዚ
 ዒንሢ ማኣዳ"ኒ ታኣና ዎላ" ማዳ ታኣኮ ላጌኬ፤ ዒዛና ዎላ" ዒንሢ
 ኮይላ" ሙካንዳ ዒሾንሢ ዛሎ" ማዔቴ ዔያታ ኪሪሰቶስ ጉሙርቃ
 ዓሶ ሺኢጲያ ማኣሮይዳፓ ዳኪንቴያ፣ ኪሪሰቶስ ቦንቾሳያኑ።
 24 ዬያሮ ዒንሢ ዔያቶ ናሽካያ ማዒፃ ፔጋሲ ዔርዙዎቴ፤ ሃንጎ፣
 ኪሪሰቶስ ጉሙርቃ ሺኢጲያ ማኣሮ ዓሳ ዬያ ዔርንጎ፤ ኑኡኒያ
 ዒንሢና ሄርሺንታኔ።

9

ኪሪሰቶስ ጉሙርቃ ዓሶ ማኣዳ"ኒ ኬሶ"ና ሚኢሾ

1 ዪሁዳ ዓጮ"ይዳ ዓኣ፣ ኪሪሰቶስ ጉሙርቃ ዓሶ ማኣዳ"ኒ
 ዒንሢ ኬሶ" ሚኢሾ ዛሎ" ታ ዒንሢም ፃኣፓንዳያ ኮይሱዎሴ፤
 2 ዒንሢ ዓካይያይዳ ዓኣ ዓሳ ሜሌ" ዓሲ ማኣዳ"ኒ ዒንሢኮ
 ኮሺ ማሊሢ ዓኣሢ ታ ዔራሢሮ «ዓካይያይዳ ዓኣ ዓሳ ሂናኣ
 ቤራፓ ዓርቃዎ ሜሌ" ዓሲ ማኣዳ"ኒ ጊኢጊንቲ ዓኣያኑ» ጌዒ ታ
 ማቁደኒያ ዓሶም ጫርቁ ኬኤዜኔ፤ ዒንሢኮ ኮሺ ማሊሢና ዔቁ
 ማዶፃ ሜሌ" ዓሶ ኮሺ ማዳንዳጉዲ ጳቼኔ። 3 ዓካሪ ኑ ዒንሢና
 ሄርሺንቲ ጌዔ ጌኤዛ ጉሪ ማዕዎጉዲ ሃንሢ ዒሾንሢ ታ ዒንሢ
 ኮይላ" ዳኬኔ፤ ዒንሢያ ታ ዒንሢም ቤርታ ኬኤዜሢጉዲ ጊኢጊንቲ
 ካቸዎቴ። 4 ማቁደኒያ ዓሳ ታኣና ዎላ" ዒንሢ ኮይላ" ሙካ ዎዶ"ና
 ዒንሢ ጊኢጊንቲባኣያ ማዒ ዓኣንቴ ዳንቄቴ ኑ ዒንሢና ሄርሺንቲ
 ኬኤዜ ባኮና ኑናንታ ዒንሢንታ ዎላ" ቦርሲንታንዳኔ። 5 ዬያሮ
 ዒንሢ ዒንጋንዳኔ ጌዒ ናኣቤ ባኮ ቤርታዲ ዒንሢ ጊኢጊሻንዳጉዲ
 ዒንሢም ጳቂሢ ኬኤዘም ጌዒ ሃንሢ ዒሾንሢ ቤርታሲ ዒንሢ

8:21 ኮኣኪ. 3፡4።

ኮይላ" ዔያቶ ሺኢቁ ዳካኒ ኮይሳያታህ ታ ዔሬኔ፤ ዬያይዴም ታኣኒ ሙካ ዎዶ"ና ዒንህ ዒንጋኒ ጌዔ ባካ ዒንገገት ገኢጌያ ማዓንዳኔ፤ ዒንህ ዒንጋህያ ዓሲ ዎልቃዴምቱዋንቴ ናሹሞና ዒንጋያ ማዒፃኣ ዔርታንዳኔ።

6 «ዳካ" ዜርህ ዜርቁህ ዳካ" ሃኣኮ ዔካንዳኔ፤ ሚርጌ ዜርህ ዜርቁህ ሚርጌ ሃኣኮ ቡኩሲ ዔካንዳኔ» ጌይንቴህ ጳቂሁዎቱ። 7 ያኣሲ' ናሽካህ ዎዛና ዒንጋ ዓሲ ማዔህሮ ፔቱ" ፔቱ"ህ ዒንጋኣና ፔ ዒና" ናሽኬህጉዲ ማዓንዳኣገዓቱም «ዓይጎር ታ ዒንጋይ?» ጌዒ ጌዒ ዓሲ ዒንጎም ጌዒ ዎልቃዴም ዒንጎገገ። 8 ዒንህ ቢያ ዎዴ ኮይሳ ባኣዚ" ቢያ ዴንቁ፥ ኮሺ ማዶ ቢያ ማዳንዳጉዲ ዓንጆ ዒንህም ያኣሲ ዒንጋኒ ዳንዳዓኔ፤ 9 ዬይያ፡-

«ማንቆ ዓሰም ኮሹሞና ዒዚ ዒንጌኔ፤ ዒዛኮ ኮሹማ ናንገና ናንጋኔ»

ጌይንቴ ፃኣፒንቴህጉዲኬ።

10 ዜርህ ዜርቃህም ዜርህ፤ ሃሃ ዓሲ ሙዓንዳጉዲ ሙኡዚ" ዒንጋ ያኣዛህ' ዒንህ ዜርቃንዳ ዜርቃ ሚርጌ ዒንህም ዒንጋንዳኔ፤ ዒንህ ዒንጋህኮዎ ዓኣፖ ዒ ሚርገሻዳንዳኔ። 11 ዒንህ ኮሹሞና ዒንጋ ባካ ኑ ዛሎ"ና ዔያቶም ሄላ" ዓሳ ቢያ ያኣሲ ጋላታንዳጉዲ ሃሃ ቢያ ዎዴ ኮሹሞና ዒንህ ዒንጋንዳጉዲ ያኣሲ ቢያ ባኣዚ"ና ዒንህ ዎርጎቻንዳኔ። 12 ዬይ ዒንህ ዒንገያና ማዳ ማዳ" ከሪሰቶሴ ጉሙርቃ ዓሰኮ ሜታህ ሺሌዒሳያ ሌሊቱዋንቴ ያኣሲ ሚርጌና ዔያታ ጋላታንዳጉዲ ማሃኔ። 13 ዬይ ማዳ" ዒንህኮ ዒንህ ከሪሰቶሴኮ ኮዥ ሃይሶ ዎይዚ ዔከ ዓይህንቴህረና ዔያቶና ሜሌ"ዛንህናም ዒንህኮ ዒንገያ ዔርቱያ ማዔህረ ቢያህ ያኣሲ ጋላታንዳኔ። 14 ዔያታ ያኣሲ ዒንህም ዒንጌ፥ ዑህ ዓኣዴ ጴጌፒ ማዔ ኮሹሞ ዒንገያ ዛሎ"ና ዒንህ ጳቂህህረ ዒንህም ዔያታ ሺኢቃንዳኔ። 15 ዓሲ «ሃማኬ» ጌይ ኬኤዛኒ ዳንዳዑዎ ያኣሲኮ ዒንገያር ዒዚ ጋላቲንቴያ ማዎንጎ።

10

ጳውሎስ ዒዛ ጵንካ ዓሰም ማሂ ኬኤዜ ባኮ

1 ዒንህ ኮይላ" ዓኣዎ «ሴልቃያ»፤ ዒንህ ኮይላ"ገ ሃከ ዴንዳዎ ጋዓንቴ «ጫርቃያ» ጌይንቴህ፥ ታኣኒ ጳውሎስ ከሪሰቶሴኮ ኮሹሞና ሺሌዑሞና ማዒ ታ ዒንህ ሺኢቃኔ፤ 2 ታ ዒንህ ሺኢቃህ' ዒንህ ኮራ ታ ሙኬ ዎዶ"ና ዬያይዲ ጫርቁ ጌሰታንዳጉዲ ታና

9:9 ዓይኑ. 112:9። 9:10 ዒሲ. 55:10።

ማሃፖቲ ጌይኬ፤ ዓሲ ማላሢና ኑ ሃንታያ ማሃ ኑና ፓይዳ፣ ፔቲ" ፔቲ" ዓሶ ቤርታ ጋዓንቴ ጫርቂ ጌሰታኒ ታ ማላኔ። 3 ዋዚ ኑ ሃያ ዓጫ" ናንጋያ ማዔቲያ ኑ ያልታሢ ሃያ ዓጫ" ዓሳ ያልታ ጎይያቱዋሴ። 4 ኑኡኮ ያሎ ዓንጋማ፣ ያሎሮ ከልቂ ዳያና ከኤሎ" ደይሳኒ ዳንዳዓ፣ ያኦሲ ዋልቁ ዓኣ፣ ዓንጋሞ ማዓንዳኣፓዓቲም ሃያ ዓጫ" ያሎ ዓንጋሞጉዲቱዋሴ። 5 ዓሲ ያኦሲ ዔሩዋጉዲ ሉኡዙሞና ማርሞ ማርማሢንታ ያቶርሞ ማሊያዋ ጉቤ ኑ ባይዘንዳኔ፤ ዓሲኮ ማሊያ ጉቤ ኑ ዲዒ ዲዒ ኪሪሰቶሴም ዓይሢንታንዳጉዲ ማሃኔ። 6 ዓንሢኮ ዓይሢንቲፃ ጎኔ ማዔሢ ኑ ዔሬሢኮ ጊንፃ ዓይሢንቲ ዔፃ ባኣዚ" ዓይጎዋ ጉቤ ኑ ፑርታና ዋጋኒ ጊኢኔ።

7 ዓንሢ ዛጋሢ ፔጌና ጳዳ ባኣዚ" ሌሊኬ፤ ዓይጎ ዓሲያ ታኣኒ ሌሊ ኪሪሰቶሴሮኬ ጌዒ ጉሙርቃቶ ፔና ጊንሣ ሸርሺ ዛጎንጎ፤ ኑኡኒያ ዒዛጉዲ ኪሪሰቶሴሮ ማዔሢ ዔሮንጎ። 8 ጎዳ ኑም ዒንጌ ቢታንቶና ሚርጌና ታ ሄርሺንቲቲያ ታና ቦርሱዋሴ፤ ዋይቲ ጌዔቲ ዬይ ቢታንታ ኑም ዒንጊንቲሢ ዒንሢኮ ጉሙርቃዋ ደዲሻኒ ማዓንዳኣፓዓቲም ባይዘንቲዋኣሢሮኬ። 9 ታኣኮ ኪኢታ" ታ ዒንሢ ዒዒጊቻኒ ከኤዛያ ማሎፓ። 10 ፔቲ" ፔቲ" ዓሳ «ጳውሎሴኮ ኪኢታ" ዴኤፃያ ሃሣ ደዲኬ፤ ጋዓንቴ ዒዛ ኑ ዛጋኣና ዑፃ ላኣፓ፣ ጌኤዛኣ ዒዛኮ ፓሡዋያኬ» ጋዓያ ናንዳኔ። 11 ዬኖ ጋዓ ዓሳ ዒንሢዲፓ ሃኬ ዓኣዎ ኑ ፃኣፓ ኪኢቶ"ና ዒንሢ ኮይላ" ዓኣዎ ኑ ማዳ ማዳ"ናኮ ባኣካ" ዲሙሞ ባኣያታሢ ዔሮንጎ።

12 ኑኡኒ ጋዓንቴ ፔ ቶኣኮ" ጋላታ ዓሶና ኑና ዋላ" ፔቲ" ማሃኒ፣ ሃሣ ጊንሣ ቤኤዚ ዛጋኒ ፔቲ"ታዎ ኑ ማላሢዳ ባኣሴ፤ ዔያታ ፔና ፔኤና ቤኤዚ ዛጋሢሮ ዔያቶኮ ዒና ባኣያኬ። 13 ኑኡኒ ጋዓንቴ ፔቶ" ዑሣ ዓኣዳ ሄርሺንቲዋሴ፤ ኑኡኒ ሄርሺንታሢ" ያኦሲ ኑና ማዳንጎ ጌዔማ ጎይያ ዴንዲ ዒንሢ ሄላ"ንዳኣና ማዳ ማዳ"ናኬ። 14 ዒንሢ ሃሢ ዓኣሢ ኑ ማዳንዳጉዲ ጌይንቴ ቤዘይዳ ማዔሢሮ ኪሪሰቶሴኮ ኮዦ ሃይሶ ከኤዛኒ ኑ ዔኪ ዒንሢ ኮይላ" ሙኬ ዋድ"ና ያፓ ኑ ዑሣ ዓኣዲባኣሴ። 15 ዬያሮ ያኦሲ ኑም ጌዔ ቤዛፓ ኑ ዓኣዲ ሜሌ" ዓሲ ማዳ ማዳና ኮይሱዋ ጎይሢ ዑሣ ዓኣዳ ኑ ሄርሺንታዓ፤ ጋዓንቴ ዒንሢኮ ጉሙርቃዋ ደዳንዳጉዲና ኑኡኮዋ ማዳ" ያኦሲ ኑም ዒንጌ ቤዘ፣ ዒንሢ ባኣካ" ባሽና ደልጋንዳኔ ጌዒ ሃጊ ማዓንዳ ዋዛ ኑ ጌሣኔ። 16 ዓካሪ ሜሌ" ዓሳ ማዳ ቤዘይዳ ጌሊ፣ ቤርታ ማዳንቴ ማዳ"ና ሄርሺንቲዋዎ ዒንሢኮ ዙላ" ዓኣ ዓጫ"ም ኮዦ ሃይሶ ኑ ከኤዛኒ ዳንዳዓኔ።

17 ጋዓንቴ «ሄርሺንታሢ ጎዳና ሄርሺንቶንጎ።» 18 ዓይጎሮ

10:17 ዔ.ር. 9፡24።

ጌዔቴ ዓሲ ጋላቴንቴያ ማዓኒ ዳንዳዓሢ ጾኦሲ ዒዛ ጋላቴቴ ማዓንዳኣፓዓቴም ፔና ፔኤሮ ዒ ጋላቴቴቴዋኣሢረኤ።

11

ጳውሎሴና ጾኦሲ ማደ'ም ዳኪንቴኔ ጌይ ሉኡቃዞንሢና

1 ዳካ" ዔኤያቶና ታ ጌሰታ ባኮ ዒንሢ ጊቢ" ዳንዳዓንዳጉዲ ታ ኮዓኔ፤ ጎኔኤ፥ ዒንሢ ዳንዳዒ ዳንዳዒኤ። 2 ጾኦሲ ዒንሢ ናሽኪ፥ ዒዛም ሌሊ ዒንሢ ማዓንዳጉዲ ኮዓሢጉዲ ታኣኒያ ዒማዲ ማላኔ፤ ታ ያዲዲ ማላሢ' ፔቴ" ኩሙሢ ወዲሮ ናይጉዲ ፔቴ" ዓቴንቄም ታ ዒንሢ ጾኦሴሢረኤ፤ ዬይ ዓሢያ ኪሪሰቶሴኤ። 3 ሸኦሽ ሂዋኣኖ ጨንጨምና ጌሽ ዳቢሴሢረኤ ጎጾንቴ ዒንሢኮዋ ማሊፃ ፑርቴም ኪሪሰቶሴም ዒንሢኮ ዓኣ ፒዙሞና ጌኤሹሞና ዒንሢ ሃሻ"ንዳያናንዳኔ ጌይ ታ ሂርጋኔ። 4 ዓይጎሮ ጌዔቴ ፔቴ" ዓሲ ዒንሢ ኮይላ" ሙኪ ኦኡኒ ዒንሢም ኬኤዜ ዬሱሴቴዋንቴ ሜሌ" ዬሱሴ ዒንሢም ኬኤዜቴ ሃሃ ዒንሢ ቤርታ ዔኬ ዓያኖይዳፓ ሜሌ" ዓያና ዒንሢ ዔኬቴ ጊንሢ ሃሃ ቤርታ ዒንሢ ዋይዚ ዔኬ ኮዦ ሃይሶይዳፓ ሜሌ" ዋይዚ ዒንሢ ዔኬቴያ ዬያ ዒንሢ ዚቴዮ ጌይ ዛዛጋኔ። 5 ጋዓንቴ ታኣኒ ዬንሢ «ጾኦሲ ማደ'ም ዳኪንቴ ዴኤፖ ዓሶ» ጌይንታ ዓሶይዳፓ ዓይጎናኣ ሃታያ ታኣም ማሉሞሴ። 6 ዬና ዓሳ ጌኤታ"ሢረኤ ሃይሴ ማዢ ታ ጌሰቲባኣቴያ ዔራቶ ታኣኮ ናንጊኤ፤ ዬያ ሚርጌ ዋዴ፥ ሚርጌ ባኣዚ"ና ፔጋሲ ኦ ዒንሢም ዳዌ።

7 ታኣኒ ጾኦሲኮ ኮዦ ሃይሶ ሚኢሽ ዔኩዋኣፃ ዒንሢም ኬኤዚያና፥ ሃሃ ዒንሢ ዴጊዳኒ ታ ቶኣኮ" ሂርኪሲፃ ታኣኮ ጎሜ ማዔኔ ጌይሢዳ? 8 ዒንሢም ማዳኒ ኪሪሰቶሴ ጉሙርቃ ሃንጎ ሸኢጲፃ ማኦር ዓሶይዳፓ ማኣዳሢ ታ ዔኪያና ታ ዔያቶ ቡሬኔ። 9 ዒንሢና ዋላ" ታ ዓኣንቴ ሜታሢ ታና ሄሌ" ዋዶ"ና ሜቄዲያፓ ሙኬ ዒሽንሢ ታኣም ኮይሳ ባኮ ዒንጊ ማኣዳ"ያ ማዔሢረ ያናኣ ታ ሜታሲባኣሴ፤ ሃኖ" ሄላ"ንዳኣና ዓይጎ ባኣዚ"ናኣ ታ ዒንሢ ሜታሲባኣሴ፤ ሴካ ሃጋ ቤርታኣ ታ ዒንሢ ሜታሲንዲሞሴ። 10 ኪሪሰቶሴኮ ጎኦማ ታጊዳ ዓኣሢሮ ታ ጫርቄ ጌሰቲዋጉዲ ዓካይያ ዓጮ"ይዳ ታና ላኣጋኒ ዳንዳዓይ ጾኦኒያ ባኣሴ። 11 ዬያ ታ ጋዓሢ ዓይጎሮዳይ? ታ ዒንሢ ናሽኩዋኣሢረኤ? ጾኦሲ ዔራሢጉዲ ታ ዒንሢ ናሽካኔ።

12 ዬያታ ሓንጎ ጾኦሲ ማደ'ም ዳኪንቴ ዓሳ፡- «ኦኡኒያ ጳውሎሴንሢረኤ ማዳኔ» ጌይ ጌይ ሄርሺንታ ባኮ ዔያቶ ሃሺ"ሳኒ

11:3 ማዢ. ማፃ 3፥1-5፤ 13። 11:9 ፒልጲ. 4፥15-18።

ሃሢ ታ ማዳ ጎይዎ ሃጊ ሴካኣ ማዳንዳኔ። 13 ዬናጉዴ ዓሳ ኪሪሰቶሴ ማዳ"ም ዳኪንቴያ ፔና ማለሻኒ ኮዓያ፣ ሉኡዙሞና ያኦሲ ማዳ"ም ዳኪንቴያ ማለ ጌሺ ማዳ ዓሲኬ። 14 ዬይ ዲቃሢ ሄርሺሳ ባኣዚ"ቱሞሴ፤ ዎይቲ ጌዔቴ ፃላሄታ? ፔና ፖዎ ኪኢታንቸ ማሃኒ ዳማ ዳማ ጎይሢና ፔና ላኣማኔ። 15 ዬያር ፃላሄም ማዳ ዓሳ ዲሉ"ሞና ማዳያ ማሊሲ ፔና ዳማ ዳማ ጎይሢና ላኣማቴያ ዲቃሢ ሄርሺሳያቱሞሴ፤ ጋፒንፃ ዔያታ ማዳ ማዳ" ዘሎ" ፔኤኮ ዳንቃንዳኔ።

ጳውሎሴ ፔና ሄሌ " ማታሢ ጫርቂ ኬኤዘሢ

16 «ዓይጎ ዓሲያ ታና ዔኤያኬ ጎፆፓ» ጌይ ላሚ ታ ኬኤዘኔ። ታ ዒንሢም ዔኤያ ማሊ ጳዴቴያ ዳካ" ታ ጫርቂ ጌሰታንዳጉዲ ዔኤያ ማሃ ታና ፓይዳሞቴ። 17 ሓያይዲ ታ ጫርቂ ጌሰታሢ ጎዳ ማሊያጉዲቱሞንቴ ዔኤያ ማዓኬ። 18 ሚርጌሢ ሃያ ሳዎ ባኣዚ"ና ሄርሺንታሢር ታኣኒያ ሄርሺንታንዳኔ። 19 ዒንሢ ጨንጫ ማዔሢር ዔኤያ ዓሶ ባኮ ዘጌዎ ገባ"ኔ። 20 ዬያጉዲ ያኦኒያ ዒንሢ ዓይሉ" ማሃቶ፣ ቡሪ ዒንሢ ባኮ ዔኬቴ፣ ዒንሢ ጌሹቴ፣ ዒንሢ ያቶርቂ ጌሰቴቴ፣ ያኦኒያ ዒንሢ ባዔቴ ዘቲ ጌዒ ጌቢ" ዒንሢ ዳንዳዓንዳኔ። 21 ዎዚ ታና ቦርሳያ ማዔቴያ ዒንሢጉዲ ጌቢ" ዳንዳዳዎና ኑ ዶዲ ማዒባኣሢ ታ ዒንሢም ኬኤዘኔ።

ጋዓንቴ ያኦኒያ ሄርሺንታኒ ጫርቃቶ ታኣኒያ ዒዛጉዲ ጫርቂ ሄርሺንታንዳኔ፤ [ዬያ ታ ጋዓሢ ሃሢ ዔኤያጉዲ ማዓኬ።] 22 ዔያታ፣ ዬና ዓሳ፣ ዔብሬ ዓሲዳ? ታኣኒያ ዔያቶጉዲኬ፤ ዔያታ ዒሰራዔኤሌ ዓሲዳ? ታኣኒያ ዔያቶጉዲኬ፤ ዔያታ ዓብራሃሜ ዜርሢዳ? ታኣኒያ ዔያቶጉዲኬ። 23 ዔያታ ኪሪሰቶሴም ማዳ ዓሶዳ? ታኣኒ ዔያቶይዳፓ ባሽ ኪሪሰቶሴም ማዳያኬ፤ [ዬያ ታ ጋዓሢ ዣኣሹሞጉዲኬ።] ታኣኒ ሚርጌ ዎዴ ማዳና ላቤ"ኔ፣ ሚርጌ ዎዴ ታ ቱኩቴኔ፣ ሚርጌ ዎዴ ዢራፓናኣ ታ ጳርቂንቴኔ፣ ሚርጌ ዎዴ ሃሢ ታ ሃይቁዎ ዓቲ" ዓቲ" ዓኣሣኔ። 24 ዓይሁዶ ዓሳ ዢራፓና ሃይሢታሚ" ታዘጳ ጳዲ ዶንጎ ማይንቲ ታና ጳርቂኔ፤ 25 ሓይሢ ማይንቲ ኮኦ"ና ታ ጳዲንቴኔ፣ ፔቴ"ና ሹቻ ታ ዳይንቴኔ፣ ሃይሢ ማይንቲ ዎኣሢ ካኣሚሌይዳ ሜታ ታና ሄሌ"ኔ፣ ፔቴ" ኬሊ" ዲሚና ሮኦሪና ቢያ ዎኣሢዳ ታ ዎርቂ ፔኤቄኔ፤ 26 ሚርጌ ዎዴ ታ ጎይሢ ሃንቲሢና ሜታዴኔ፤ ዬያይዳ ዎርዚ ኩሚ ታና ሙዔዎ ዓቲ"ኔ፣ ቡላንታ ታ ዒጊኖ ዓይሁዶ ዓሶንታ ዓይሁዶ ማዒባኣ ዓሳኣ ታና ዎዴዎ ዓቲ"ኔ።

11:23 ዳኪ. ማዳ" 16፣23። 11:24 ላሚ. ዎማ 25፣3። 11:25 ዳኪ. ማዳ" 16፣22፤ 14፣19።

ካታዎና ካዮና ዴኤፖ ባዞ"ናይዳ ታ ሃይቄዎ ዓቴ"ኔ፤ ሃሃ ሉኡዙዎና ኪሪሰቶሴ ጉሙርቃኔ ጋዓ ዓሳ ታና ዎዴዎ ዓቴ"ኔ። 27 ሚርጌ ታ ላቢ" ማዲ ሜቶ ዛጌኔ፣ ሚርጌ ዎዴ ገንዖ ታ ዓቴ"ኔ፣ ናይዚና ዎአሂ ዴኤቢ"ና ታና ሜታሴኔ፣ ሚርጌ ዎዴ ሙኡዚ" ባይቄዎ ታ ሜታዴኔ፣ ሚርጌ ዎዴ ጨኢሺና ካሉ"ዎና ታና ሜታሴኔ። 28 ጋዓንቴ ሜሌ" ዓቴ" ባኮይዳፓ ባሺ ቢያ ኬሊ" ታና ሜታሴሂ ኪሪሰቶሴ ጉሙርቃ ሺኢጲዎ ማኣሮ ዓሶ ዛሎ"ኬ። 29 ፔቴ" ዓሲ ላባ"ኣና ታ ዒዛና ዎላ" ላባ"ኔ፤ ሃሃ ፔቴ" ዓሲ ባጋሂ ዳቢሲ ጎሜይዳ ጌልዜቴ ሚርጌና ታ ዳጋዳኔ።

30 ሄርሺንቴ ጌሰቲሂ ኮይሳያ ማዔቴ ታኣኒ ሄርሺንታሂ ታ ላቤ"ያ ማዒዎ ዳዎ ባኮንሂናኬ። 31 ኑ ጎዳሂ፣ ዬሱስ ኪሪሰቶሴኮ ዓዶ ማዔ ያኦዛሂ ናንገና ጋላቲንቴያ ማዎም፤ ታ ሉኡቂ ኬኤዙዎአሂ ዒ ዔራኔ። 32 ዳማሰቆ ካታዎይዳ ታ ዓኣ ዎዶ"ና ካኣቴ ዓሬታሴኮ ዳማ" ማዒ ዳሮ" ዎይሃሂ ታና ዓርቃኒ ኮዒ ካታዎ ጌላ ካሮ" ካሮ" ካፓ ዓሶና ካፒሳኔ። 33 ጋዓንቴ ሹጮና ኬልቂ ኮሻ"ና ዲሮኮ ፑልታና ዓሳ ታና ሮኦጮና ኬይሴም ታ ዒዛይዳፓ ቶሊ" ዓቴ"ኔ።

12

ጳውሎሴም ያኦሲ ፔጋሲ ዳዌ ባኮ

1 ታኣኒ ሄርሺንቴ ጌሰታንዳኔ፤ ጋዓንቴ ዬይ ፓሃ ባኣዚ"ቴዎሴ፤ ሃሃ ታኣኒ ጎዳ ታና ፔጋሲ ዳዌ ባኮና፤ ሃሃ ታኣኒ ዛጌ ባኮዎ ኬኤዛንዳኔ። 2 ፔቴ" ኪሪሰቶሴ ጉሙርቃ ዓሲሰኬያ ታ ዔራኔ፤ ዬይ ዓሂ ታጶ ያይዶ ለዔኮ ቤርታ ጫሪንጮኮ ዑፃ ዓኣ ጫሪንጮ ዔውቲ ዓኣዴኔ፤ [ዬይ ዓሂ ዔውቲሂ' ዑፃ ዒዛኮ ዬማዲ ዓኣንቴዎ ባኣንቴዎ? ታ ዔሩዎሴ፤ ያኦሲ ዔራኔ።] 3 ጎኔ ዬይ ዓሂ፣ ዑፃ ዒዛኮ ዬማዲ ዓኣንቴዎ ባኣንቴዎ? ታ ዔሩዎሴ፣ ያኦሲ ዔራኔ፤ 4 ጋዓንቴ ዬይ ዓሂ ጌኔቴ ጌይንታ ቤዞ ዔውቲሂ ታ ዔራኔ፤ ዒኣካ ዒዚ ዓሲ' ፔጋሲ ኬኤዛና ጌሰታኒ ዳንዳዑዎ ባኣዚ" ዎይዜኔ። 5 ዬያንዳ ዓሂ ዛሎ"ና ታ ሄርሺንታኔ፤ ታ ታ ዛሎ" ጋዓንቴ ታኣኮ ላቤ"ያ ማዒያና ሄርሺንታኔ፤ ሜሌ" ሄርሺንታ ባኣዚ" ባኣሴ። 6 ታ ሄርሺንቴ ጌሰታኒ ኮዔቴታዎ ያኣኒያ ታና ዔኤያኬ ጎዶፓ፤ ዓይጎሮ ጌዔቴ ታ ኬኤዛሂ ጎኔ ባኣዚ"ኬ። ጋዓንቴ ዓይጎ ዓሲያ ታ ዛሎ" ዛጋ ባኮና ዎይዛ ባኮናይዳፓ ዑሃ ዴኤፒሲ ኬኤዙዎጉዲ፣ ሄርሺንቲዎ ታ ሃሻ"ኔ።

11:26 ዳኪ. ማዶ" 9፣23፤ 14፣15። 11:33 ዳኪ. ማዶ" 9፣23-25።

7 ዩንሢ ታኣም ጴጳ፥ ጴጌፖ ባኮንሢ ዛሎ"ና ታ ያቶርቁዋጉዲ ታኣኮ ዓሸኮ ዓንገሢሢጉዲ ጫርጋ ባኣዚ" ታኣም ዒንገንቴኔ፤ ዩይ ፃላሄኮ ኪኢታንቻ ማዒ ታና ሜታሴም ታ ያቶርቁዋጉዲ ታኣም ዒንገናያኬ። 8 ዩይ ታና ሜታሳ ባካ ታጊዳፓ ባይቃንዳጉዲ ጎዳ ሃይሢ ማይንቴ ታ ሸኢቁኔ፤ 9 ጋዓንቴ ዒዚ፡- «ታኣኮ ዋልቃ ጴጳሢ ኔኤኒ ላቢንቴ ዋድ"ና ማዒሢሮ ታ ዒንገ ኮዡ ዒንገፃ ኔኤም ገዳንዳኔ» ታኣም ጌዔኔ፤ ዩያሮ ኪሪሰቶሴኮ ዋልቃ ታጊዳ ማዓንዳጉዲ ዑሣ ዓኣጴ ታ ዋዛዲ ዋዛዲ ታ ላቢ"ዎና ታ ሄርሸንታኒ ኮዓኔ። 10 ዋልቁ ታኣኒ ዴንቃሢ ታኣኒ ላቤ" ዋድ"ና ማዒሢሮ ኪሪሰቶሴ ዛሎ" ታ ላቢ"ንታኣና፥ ጫሽኪንታኣና፥ ሜታዳኣና፥ ዒዲንቴ ዳውሲንታኣና፥ ካራ ባይዚ ታ ሃንታኣና ቢያ ታና ዋዋዛሳኔ።

ጳውሎሴ ቆሮንቶሴ ዓሶ ዛሎ" ሜታዲ ማሌ ማሊያ

11 ታኣኒ ዩያ ጌሰቲያና ዔኤያ ማዒኔ፤ ያዲ ታ ጌሰታንዳጉዲ ማሃሢ ዒንሢኬ፤ ታና ጋላታንዳፖዓቴ"ሢያ ዒንሢኬ፤ ዓይጎሮ ጌዔቴ ታኣኒ ዓሲ ጌይንቴዋ ዓሲ ማዒቴያ፡- «ያኦሲ ማዲ"ም ዳኪንቴ፥ ጴጌፖ ዓሶ» ጌይንታ ዓሶይዳፓ ታ ሃታያቴዋሴ። 12 ታኣኒ ዒንሢ ባኣካ" ዓኣ ዋድ"ና ያኦሲ ማዲ"ም ጎኔ ዳኪንቴ ዓሲ ማዒያ ዔርዛ ባኣዚ" ገቢ" ዳንዳዒሢና ማዲ ባካ ዲማ ዲማ ማላታ፥ ዲቃሣ ባኣዚ"ንታ ያኦሲ ዋልቁና ማዲንታ ዓኮ ባኮንታኬ። 13 ዒንሢ ታ ሜታሱዋያ ሃሺ"ማፓ ዓታዛ ሃንጎ ኪሪሰቶሴ ጉሙርቃ ሸኢጲያ ማኣሮ ዓሶይዳፓ ዓይጎና ታ ዒንሢ ዳኪ"ሴይ? ዩይ ታኣኮ ዳቢንቴ ማዒቴ ታኣም ዓቶም ጎዑዋቴ።

14 ዒንሢ ኮይላ" ታ ሙካንዳኔ ጌይ፥ ገኢገንቴ ገኢገንቴ ዓታንቴ ሃሮ" ሃይሢኪኬ፤ ታቴያ ታ ዒንሢ ሜታሳኒ ኮዑዋሴ፤ ዓይጎሮ ጌዔቴ ታ ኮዓሢ ዒንሢ ማዓንዳኣፓዓቴም ዒንሢኮ ሚኢሸቴዋኣሢሮኬ። ናይም ሚኢሸ ቡኩሳሢ ሸዔ ዓሶ ማዓንዳኣፓዓቴም ናኣታ" ሸዔ ዓሶም ሚኢሸ ቡኩሱዋሴ። 15 ታኣኒ ጋዓንቴ ዒንሢ ዛሎ"ሮ ታኣኮ ዓኣ ባኮ ቢያ፥ ሃሣ ገንሣ ታና ዓኣሢ ታ ዒንጌቴ ታኣም ቃራኬ፤ ዓካሪ ታ ዒንሢ ዩያይዲ ሚርጌና ናሽካዛ ዒንሢ ታና ዩማይዲ ዳካ"ና ናሽካኔ ጌይሢዳ?

16 ዩይ ያዲ ማዒቴያ ታ ዒንሢ ሜታሳዓኬ፤ ጋዓንቴ ፔቴ" ፔቴ" ዓሳ ጋዓሢጉዲ ፑርታ ማሊሢና ጌሺ ታ ዒንሢ ዓርቁያ ማሉዋፖ ዓታዓ! 17 ታ ዒንሢ ኮይላ" ዳኬ ዓሶይዳፓ ፔቴ"ሢ ዛሎ"ናታፖ ታ ዒንሢ ቡሪያ? 18 ቲቶ ዒንሢ ኮይላ" ዓኣዳንዳጉዲ ታ ሸኢቁኔ፤ ፔቴ" ኑ ዒሻሢያ ዒንሢ ኮይላ" ዒዛና ዋላ" ታ ዳኬኔ፤ ሂዳፖ

ቲቶ ዒንሢ ዒማና ቡሪያ? ታኣና ዒዛና ዒንሢም ማጴሢ ፔቴ" ማለሢናቱዋዓዳ? ኩኩኮ ማዳ"ኣ ፔቴ"ቱዋዓዳ?

19 ሃኖ" ሄለ"ንዳኣና ኑ ዬያይዲ ጌሰታሢ «ኑ ደቤዖ ዳቢባኣሴ» ጌይ ጌሰታያ ዒንሢም ማለ? ኩኩኒ ኪሪሰቶሴና ማዒ ኬኤዛሢ ያኣሲ ቤርታኬ፤ ኑ ዒጊኖንሢዮቴ! ኩኩኒ ሃያ ዒንሢም ኬኤዛሢ ዒንሢ ደዲሺ ማዠኒኬ። 20 ታኣኒ ዒንሢ ኮይለ" ሙካ ዋዶ"ና ታ ማለ ጎይያ ዒንሢ ማዒባኣያ፣ ሃሣ ታኣኒያ ዒንሢ ማለ ጎይያ ማዒባኣያ ኑ ዋለ" ካኣማንዳኣ ናንዳኔ ጌዒ ታ ዒጊጫኔ፤ ጎዖንቴ ዒንሢ ባኣካ" ዑራ፥ ቁኢሩሞ፥ ጎሪ"ንቴ፥ ፑርታ ማዳኒ ዘርቲሢ፥ ዓሲ ፑርቲሲ ጌሰቲሢ፥ ደንኮ፥ ያቶርሙሞንታ ዠሎንታ ዓኣ ናንዳኔ ጌዒ ታ ዒጊጫኔ። 21 ዬኖ ታ ዒንሢ ኮይለ" ለሚያ ሙካዘና ታ ያኣዛሢ ጎዖንቴ ዒንሢ ቤርታታና ቦርሲሳንዳያ ናንዳኔ ጌዒ ታ ዒጊጫኔ፤ ሃሣ ሚርጌ ዓሳ ኣያኮ ቤርታ ዔያታ ማጴ ጎሞንታ ዒኢቴ ማዳ"ንታ ዓኒ ሃሣ ማቾ ማዒባኣያና ላሄሢንታ ዓኒ ሃሣ ማቾ ማዒባኣያና ላሃኒ ኮዒ ዓማሊ"ያ ጎሞንታ ዔያታ ቡኡዲባኣያ ማዒም ታና ሚርጌ ያዩሳንዳያ ናንዳኔ ጌዒ ታ ሚርጌ ዒጊጫኔ።

13

ጳውሎሴኮ ጋፒንያ ዘር"ና ሳራሢያ

1 ዓካሪ ሃና ታኣኮ ዒንሢ ኮይለ" ሃይሣሶ ሙኮ ማዓንዳኔ፤ ቢያ ባኣዚ"ኮ ጎኑማ ዔርታሢ ለምያ ሃንጎ ሃይሣ ማርካናኬ። 2 ለሚያ ታ ዒንሢ ዛጋኒ ዒንሢ ኮይለ" ሙኬ ዋዶ"ና ላቲ" ታ ዒንሢም ኬኤዜ ባኣዚ" ዓኣኔ፤ ሃሢያ ታ ሃኬ ዓኣዖ ቤርታ ጎሞ ማጴዘንሢንታ ሃንጎዋቶንታም ላቲ" ታ ኬኤዛኔ፤ ዓካሪ ታ ዒንሢ ኮራ ማዒ ሙካኣና ያናኣ ታ ሚጨንቴ ጌሰታዓኬ፤ 3 ዬያይዲ ታኣና ማዒ ኬኤዛሢ ኪሪሰቶሴታሢ ዒንሢ ዔራንዳኔ፤ ዒንሢ ባኣካ" ዒ ማዳንዳሢ ዋልቁናኬ፤ ላቢ"ሢናቱዋሴ። 4 ዒዚ ፑርቶ ዓሶ ሱዖ ሚያይዳ ሱዲንቴ ሓይቄሢ ላቢ"ሢና ማዒያታቴያ፥ ሃሢ ዒዚ ያኣሲ ዋልቁና ሼምፖና ናንጋኔ፤ ኩኩኒያ ዒዛና ዋለ" ማዒያና ላቤ"ያ ማዒቴያ ዒንሢም ማዳኒ ያኣሲ ዋልቁና ዒዛና ዋለ" ሼምፔና ዓኣያ ማዒ ኑ ናንጋኔ።

5 ዒንሢ ያኣሲ ጎኔ ጉሙርቃያ ማዒያ ዔራኒ ዒንሢ ማሃ ዛጉዋቴ፤ ሃሣ ዒንሢ ገንሣ ሺሪ ያኣጩዋቴ፤ ዒንሢ ዠኣለቴ ሌሊ ማዓንዳኣፓዓቴም ሃንጎ ዬሱሰ ኪሪሰቶሴ ዒንሢዳ ዓኣሢ ዒንሢ ዔራቀዓዳ? 6 ኩኩኒ ጋዓንቴ ዬያና ዳቢንቴ ዠኣለባኣያ ማዒሢ ዒንሢ ዔራኔ ጌይ ኑ ጉሙርቃኔ። 7 ዒንሢ ፔቴ"ታዖ ፑርታ ባኣዚ" ማዳዋጉዲ ያኣሲ ኑ ሺኢቃኔ፤ ኩኩኒ ሺኢቃሢ ዋዚ ዓሲም ኑ

13:1 ለሚ. ዋማ 17፥6፤ 19፥15።

ኮሺ ዓሲ ማዒ ጴዲባኣቴያ ዒንሢ ቢያ ዎጂ ፒዜ ማዔ ባኣዚ" ማደንዳጉዲ ማዓንዳኣፓዓቴም ኑ ኮሹሞ ደቀኒቱቀሴ። 8 ዓይጎሮ ጌዔቴ ኑ ጎኑሞም ማደኣፓዓቴም ጎኑሞና ዎላ" ዓኣዲቀ ባኣዚ" ዓይጎቀ ኑ ማደኒ ዳንዳዑቀሴ። 9 ኑኡኒ ላቤ"ያ ማዔም ዒንሢ ደዲ ማዔቴ ኑም ቃራኬ፤ ኑኡኮ ሺኢጲፃ ዒንሢ ፓጨፍ ባኣዚ"ባኣ ዓሲ ማዓንዳጉዲኬ። 10 ሓያ ከኢቶ" ዒንሢፓ ሃኬ ዓኣዖ ታ ፃኣፔሢ ዬያሮኬ፤ ዬያይዲፆና ታ ዒንሢ ኮይላ" ሙኬ ዎደ"ና ጎዳ ታኣም ዒንጌ ቢታንቶና ታ ዒንሢ ሜታሳዓኬ፤ ዓይጎሮ ጌዔቴ ጎዳ ዬያ ቢታንቶ ታኣም ዒንጌሢ ዒንሢ ታ ደዲሺ ማዣንዳጉዲኬ፤ ሻሂ ባባይዛንዳጉዲቱቀሴ።

11 ዓካሪ ታ ዒሹንሦ! ሚሹንሦ! ኮሺ ናንጉዎቴ፣ ፓጨፍ ባኣዚ"ባኣ ዓሲ ማዓኒ ደዳዎቴ፣ ታ ዘሮ" ዎይዙዎቴ፣ ዎላ" ሃሣ ጊኢጊ ናንጉዎቴ፣ ሴካና ሃንጋና ኮሹሞና ናንጉዎቴ። ናሹሞና ኮሹሞናኮ ፆኦዛሢ ዒንሢና ዎላ" ማዓንዳኔ።

12 ዎሊኮ ጌርሲንሢጉዲ ማዒ ዎሊ ሄርቂ ሄርቂ ዎሊ ዔኤሉ"ዎቴ።

13 ፆኦሲም ደማዴ ዓሳ ቢያ ዒንሢ «ኮሺዳ?» ጋዓኔ።

14 ጎዳ ዬሱስ ከሪሰቶሴኮ ኮሹማ፣ ፆኦሲኮ ናሹማ፣ ዓያኖ ጌኤዦኮ ፔቱማ ዒንሢ ቢያሢና ዎላ" ማዖንጎ።

ጌጌዥ ማግኔግ
**The Holy Bible in the Maale language of Ethiopia,
using Ethiopic script**

copyright © 2015 The Word for the World International and The Bible Society of Ethiopia

Language: Maale

Translation by: The Word for the World

Contributor: Bible Society of Ethiopia

Maale New Testament

by Bible Society of Ethiopia.

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-12-29

PDF generated using Haiola and XeLaTeX on 11 Nov 2022 from source files dated 29 Jan 2022

bbcfb90a-3ae3-5452-983d-6c4c02375929